



神へ 16
2752
5



門 八 18
號 2752
卷 5

并州山人四部稿卷之九

吳郡王世貞元美著

詩部

五言古體七十首

擬古 有序

梁江淹擬古離別至休上人凡三十首羽
州薛蕙亦嗣嚮焉雖於漢氏未純亦彬彬乎
優孟抵掌矣夫物貴締始則因述似易人具
體裁則無功殆難難矣然文通頗勝於自運
易矣然靈運微短於鄴中詩云唯其有之是

昭和十六年
十一月十九日
購求

以似之甚哉似之於有也不佞既以罷官陸
還挾策僅文通一編忽忽無博奕之歡紬繹
窮愁竊做厥體自李都尉而下至休上人凡
二十九廣自蘇屬國至韋左司凡四十一時
代既殊規格從變雖未足鼓吹諸氏庶幾驅
馳江薛云爾其古離別一章請俟異日為後
十九首故不更擬

李都尉陵從軍

黃雲被原野策馬欲何之
鼙鼓勁前林招搖動旌旂
涕淚結為冰嬋媛將告誰
長當生死訣盡我酒一卮

白露尚為霜安能鬢真不移唯有金與石庶以表心期

蘇屬國武別友

驅車出郭門北風何慘悽
良朋相追餞行李且光輝
浮雲為我停晨風為我啼
四牡既駸駸御者安肯遲
彈琴寫情素柱促令絃移
泠泠流泉水助我絃聲悲
何以將遠別楊柳吐青枝
行人插枝去徃徃自成圍
少壯若流飈逝者不復歸
常聞忠與信蠻貊可由之
及時各努力王路正清夷

班婕妤詠扇

妾有冰紈扇云是齊宮作
得尚君王手揚飈芙蓉閣

秋氣忽見憎水簾同零落卷舒風所易術分樓中箔
物候代相遷君恩終不薄敢以南薰至逆笑狐與貉

孔北海融述志

栖栖岐山穴避狄如走兔擾擾歷下田鹿豕朝與暮
時至偶有為人功竟焉數虞帝小鰥夫虛名攘唐祚
西伯老秃翁脫身美人賂百獸豈自來鳳皇人誰覩
垂死竄蒼梧薦禹如有負戎馬踐幽王實以妖女故
大運等循環智巧安能度十讀九廢書千秋榮朝露
寄聲謝時達毋為聖賢誤

鄴徵士炎見志

執屈難見功時危易為跡大海無圍鱗高風有矯翼
斬此萬里搏耶余一偃息清時奇遘隱材士多失職
小者州邑掾大則公府辟卑類竊升斗攬袂承書檄
寥矣帝者居水絕渭川跡吹簫夕拜相屠狗朝開國
顧謂賈少年興文何太迫詩書一長物禮樂終奚益
聖主正當陽群工但脇息富貴垂昌裔名聲施無極
魏太子丕公讌

置酒臨西園澄夜佐微涼華蓋飄圓月列宿散陂塘
景風媚芙蓉冉冉布奇芳清吹相間發鷺鳥顧我翔
急節促飛觴為樂浩無方俄俄衆賓舉相與歌太康

笑渠自有芬君子自有心良辰不重得命爵莫沉吟

陳思王植贈友

成周宏昌業多士乃日新遠者由耕釣邇則介果親
赫赫我皇魏九有悉來賓庸蜀為逋藪江介有逆鱗
聖心輸納隍黃鉞下秋旻樓船彌東渚劔客出西秦
天網布中逵所希在鳳麟疇為百金士吾友氣如雲
太阿拂朝霜繁弱抱霄輪揮眸無前敵抗志在必臻
伊余忝藩翰夙昔備宗臣同歡岐憂戚厚祿羨其身
狐白足禦寒片腋非所珍鉛刀望一割微穎不見伸
勇士思喪元舍生乃成仁懷君篤明義聊以示殷勤

劉文學楨陪謙

公子富令德窮樂在清時卜晝啟初筵丙夜猶未疲
叢筍玉夾文館碧萼綴丹梯潛月青林端萬穎射金池
澄露滴華桐薰風穆然吹炮炙參差進觴醴縱橫飛
伎士慕新端肉奮絲竹馳淵鱗中踴躍宿鳥無盜枝
冉冉東方曙謹唱掩鳴雞冠蓋散交衢粉澤有餘施
畸客誇殊遇歎息不可追

應文學瑒侍集

烏鵲東北來尾秃毛不全得與鳳凰游珎禽日周還
今夕何良夕公子開妙筵請寬童叟罰聽我醉後言

少小事任俠結末過却却却有奇女美盼輔朱顏
一彈離鸞調再彈別鶴絃感君纏綿意千金坐來捐
盟用南山石好用蕙與蘭蘭苦有時歌南山幸勿刊

王侍中粲懷德

炎德中崩潰妖帥亂天綱蠻荆非吾土甯身不及詳
日月東西匿雨雪正零零慨歎念周京咨洩浩縱橫
桓桓今上宰膺懲震八荒解我南冠紕寘我侍從行
譬彼糞上英洗濯薦華堂公子推明愛歡燕結不忘
白雲流尊解緘纏應朝陽萬舞燁中庭蛾眉吹素商
常聞既醉詩飲德殿膏梁摩頂皆君賜何以報恩光

竊希吉甫頌清風播無疆

阮步兵籍詠懷

昔我游蓬池上有古時臺長嘯入青冥萬籟參差回
返顧大梁城櫺扉相對開馬頭且駭駛日莫爭飛埃
漢苑既雍睢項血復葺垓天地無精色日月久徘徊
唉汝二豎子何如酒一杯

嵇中散康言志

擾擾兩象間生人各自為余本田野夫少小無遠志
珪組豈不華好者方為貴習性偶成懶教乃非余意
竊窺莊氏言頗懷養生計竹琴非有干膺心乃足累

結苑流水曲綠槐信所棲冷殿清陰下彈琴衡門內
仰見孤飛鴻寥唳出天裔阮公青雲度濁酒幸與契
山生何為者賜我殊不真蝸廬欲粘壁蠻觸爭何地
脩然龍門色頓忘寰中事

應侍中璩百一

羲魄尚高春天命未我離云何統袴子徃徃意為師
阿閣連曲房沉深不可窺齊醴腐其觴伐性有蛾眉
姬姜奏新聲歡多樂不支藥石為仇讐美疢日以滋
東岱添新籍鬼伯來見追仰與高堂別俯與親愛辭
宗祀日蕭條涕淚如縷縻人生非金石快意多伏悲

繁主簿欽詠蕙

娟娟孤生蕙托根湘山厓上壓千仞峰下臨萬仞谿
微質殊衆卉謂為造化私風霜相凌迫雨露不見滋
朔氣旦夕深清芬坐來移辛登君子堂不足配芳徽
仰慚檜與栢青青長不衰俯愧東原草猶得奉春時

張司空華離情

飄風吹枯樹皎月墜空墀曾是風不留娟娟佇遐思
飄若蕩子心皎如靜女儀鳴琴中成瑟哀絃來間之
蜩蟬乘秋沸熠燿與暑辭苔蘚歷冬春悠然驕履暮
積念乃攻中徵瘁在蛾眉青陽何方至桃李嫁路岐

寄聲松與栢歛分守山崖

何司空劭贈貽

宛洛何洋洋經始先人廬崇巘夾脩篁清波出文魚
棲遁馬足陳仁里私有餘張侯負淵博秉志乃冲虛
出則寄干城入則宏廟謨決勝開冀封脩然良若無
多懼昔忝均耦耕亦今愉侯其謝鞅掌就我暫為娛
命爵復彈琴徜徉非一途况有春陽色藹藹在來榆

張黃門恊苦雨

昏月初離畢丹霞復榮朝女風扶輪轂雌霓振旌旒
杳杳七曜潛沈沈二儀交穴螳登鬼埵水鶴徙故巢

土社歸狼籍木偶竟飄颻立壁俱就頽曲突默以消
密液肆沾飛餘苗及蠨蛸九徙不足歎百念徒爾劬
念彼耦耕士棲畝敗禾苗念彼行旅夫然桂中夕勞
東征缺斧斨北禦解筋膠眇矣發棠歎彌哉塞瓠譌
厥見沈蛙竈妻子吐長嘲

左記室思詠史

堯舜相為貴不能屈巢由挂瓢箕山樹洗耳渭水流
四岳等朝榮二女亦蟬蛸黃綺卧商岩目若無羸劉
曄曄五色芝可以飽千秋如何崦嵫路俛首建成侯
神龍雖自尊饑則鯁鱗流寒蟬雖自眇耻與鳥雀謀

潘黃門岳述哀

忽忽寒將徂冉冉春欲至寒徂復留戀春至胡濡滯
庭除無雙跡帷枕有孤涕猶殘流黃機上繡鴛鴦翅
微音長辭聽手澤時流視行雲仍恍忽明月但髣髴
恨彼伺晨鳥精爽驚夢寐白日關冥車子來既不易
黃泉稀生執予徃將安至躑躅墟墓間縱橫竄狐魅
牢木漸以拱朽骨焉所恃余髮既種種時未能無會

陸平原機羈宦

屯時播明社厄邁點華宗逝以丘園育豫此拙薄悃
陽春冠天來松菌遂不終弓旌荷崇招朱紱被微躬

擊楫指洪河回首盼大江街恩輕密戚改詎訣故邦
繆通承華籍得托黃綺踪月請雖云薄優游侍青宮
獻納百未酬敢希疏傳風衡門依清苑日夕見嵩印
數徃今誠乖撫物已未工徵歌時自寫慨焉眷飛鴻

曹司馬攄感舊

客與榮貴去身將賤辱存昨日翟公羅今張竇侯門
中厨出旨酒不足奉壘尊酒味非中薄人情自寒溫
女蘿與松栢本自非一根松栢雖枯死女蘿尚攀援
行人為代恨不與盤石婚大火發昆岡炎炎竟何論
傳司隸咸雜感

紅女戀一機丈夫慕九州拂袖出門去妻子不足留
二室造帝基黃河噴天流一覽意無餘西入咸陽游
咸陽帝子里車馬若雲浮炊金復饌玉趙瑟間齊謳
東家霍司馬西邸平津侯南隣外人館北戶文成樓
鷄鳴先朝日起者何所求試言平生業十舉九不酬
北風旦夕吹散我黑貂裘低回返鄉井耕釣亦悠悠

陸司馬雪贈婦

春卉畏秋序冬秀產炎德亭亭南山栢上敷芙蓉的
凌風表貞操承陽旣豔色眷懷結禍始言在三星夕
燕婉吐芳脣綢繆辰清臆靡靡輔屬體熒熒光汎席
孤矢為我雙言車輪倘相迫明誓雖在今合并非夙昔
矯若分飛鳥乖離恨羽翼何以示遙悰托此花與栢

劉司空琨傷亂

雖云大夏顛一木不能當在昔有靡氏孤旅興少康
避狄奔岐下周粵日隆昌桓桓仲山甫車攻佐宣王
巨君扶徂詐炎漢鬱銷仁九有盡為新片燼起崑岡
興廢固無端賢者自有常天柱中崩絕妖牝操皇綱
魯衛相魚肉胡羯噬邊疆自余與祖生束髮共徊翔
慷慨動鳴雞寒霜溢干將天意與我違羶塵飛晉陽
干戈迫跬武穹廬被川梁儼若籠中翼欲飛觸四旁

豈不念昔賢何以趾遺芳大海呷鯨波一葦思自航
悴栢東顛崖陵茗摧素商存為七尺辱沒為千載傷

盧郎中謀感文

杭稻吐孤穎孤貉獻微腋豈不念饑寒焉足充衣食
顧此下中士得陪虛左席投漆不違膠援蘿長附栢
胡塵冠天未幽晉紛蕩圻慚非千金璞謬以連城易
揆負故主恩聊探昔賢跡程嬰扶秘笈趙宗復血食
豫讓秉貞信辱身三不恤倉卒脫秦關寶繇鳴雞力
從容復齊相乃是求魚客街報誠疚心逢遭方顯跡
山川面東首羊眠白雲隔三復繞指言憂來填胸臆

郭弘農璞游僊

東海焉可耕衡廬不足家常聞金天女嗽液若木華
高掌鬱千尋上有青蓮花拍手呼鸞鴻竦身凌紫霞
子晉相紹介洪崖御我車朱脣粲貝齒永願托姻婭
碧藕吐瑤絲火棗紛如瓜玉盞澄天酒龍虎衛靈砂
歡樂光景駛千歲未為遐

孫廷評楚雜述

北風無停吹玄髮日夜素命駕遵虞淵將適萬里路
親朋來張祖妻子挽悲慕大造本無知安能隨物鑄
精氣偶然合妄形為吾錮善惡既強名禍福亦虛度

東鄰治彭老服煉金石固西鄰師蒙莊謂等陵茗露
達者竟何言冥心黜兩慕時至亦不辭未來無煩慮
寄謝醞雞子區區甕中度

許徵君詢自叙

方朔明大隱君平探幽蹈去矣無足差吾將從所好
春理雪上耕秋歸剡中釣在物多饒境選隙時一造
丹霞挾回槩白雲裝行屩奔險吐葱蒨芊眠含叫窰
何以明有獲聽然動微笑狗物非余術資身良已要
豈不愛微名空谷將誰耀

謝僕射混游覽

顧此有盡日慨焉生游思訊謀紛委馳解者應自寄
清池屆叢薄沿洄信疲駟層觀景風返喬陵紫雲憇
跳波悅文鱗迴陽暖棲翅黃菊何荼蘼蕭條得其意
時序非良適取足竟有會寤歎言故歡幽芳徒延遲
彼境如可欣合并安所事

殷東陽仲文興驕

群秀方謝朱忽與玄冥迫蕭條在時寓達者亦有適
木落鮮滯歡楓留蘊明色歛汎澄天根回滋收地脉
遼空吐纖翳青崖間微滴興至不盡觴毋乃佳時擲
况我英公子肅徒羅周席密坐人起端遙歡任所擇

身州山人續卷之九
十一世經堂刻
紆華起物勝用壯綠酒德竊冀燕然勛敬為闕餘墨

謝僕射瞻秋餞

以皞承時柄赤帝握天權清商應嘉節飛眺俯中原
群象俱投肅萬寶將告堅齊魯遙拱帶河洛自回環
肥遯感聖心豫游布長筵旌旗代林紐笳簫按候宣
黃菊華行李玄酒返朱顏昌期鮮後夫枉士思故山
巢許容為客虞德一何玄蓬心愧薄劣茲尚詎能言

支道人遁讚佛

群象倡明茂四炁適清和凌晨將投禮首宿事奢摩
閃若太陽來朗耀周九阿諸天從帝釋旌拂紛婀娜
脩羅戢怨刃波旬解障魔馥郁旃檀樹彪炳珊瑚柯
醍醐釀甘露徐扶神飈過千葉青芙蓉一一凌紫波
流鈴相間發寶座鬱差莪上有慈悲父金頂秀青螺
端嚴八十相妙好一何多微吐柔細音雍如鳴鳳歌
惠澤徹無間哀響徧婆娑密迹中踊躍大士亦隗俄
獨解舍利子回心乾闥婆靈花散優鉢智果結菴羅
法鼓撞震方慧燈導怕河方廣距由旬成達僅剎那
冥心歸真諦毋使歎蹉跎

陶徵君潛田居

貧來迫我耕既耕貧不離誰云非長策舍此亦奚為

今晨作勞罷曳耒歸何遲鄰父憫我勞要我過其居
羊葉薦魚鯖濁酒且盈庖慨焉思人世百勸百不辭
今人不爲古古人當在茲過隙能幾何爲樂當及時
勞者欲有歌我歌自吾知

宋文帝北伐

內史斥樓煩嫖姚越祁連將逞域外武寧無務德言
中土厭勝朝左袵垂百年先皇振九伐霈澤灑秦燕
大業未逮終妖氛日橫纏版宇罹蕩析黔黎困倒懸
玄黃既在筐壺漿寧不前俯瞰單于臺秋風正蕭然
戎車雖閑飭尚其賴諸賢

謝臨川靈運游山

山水慕孔樂丘園漸易賁殊恩賜初服薄游返真理
改策桐廬峰遺舫富春渙陰華攢空翠陽崖吐清泚
行鞵芳露潤餉楫流雲止叢林蔽凋晰徐風發旖旎
解籜篁鳥玉辭苞萼呈綺溜溜竇乳滴活活溪源徙
詫歎接來奇遭回惜去美流光暮搖漾白石何崑崙
想見羊裘客耿言曠千紀滯迹好尤人選念良在已
蟬綏信遺脫漁釣從此始

顏特進延年侍宴

赤縣騰真氣丹觀切太微千祗肅羽衛七聖扈鸞旂

神州二龍躍天黃八駿歸陸馳皆跡射水擊盡攸非
行宮初戾止張樂答澄輝神魚翻鑄貢靈獸舞翟暈
金璫景風觸瓊弁白雲圍趙女擊秦筑吳娃鳴越絲
巧夫歌人偶眩士吐寒曦桃榴燁崖冠苻薜燦波衣
烟澄淮楚出天濶江介微臣歡畏童歿聖洽詠鳥鷺
滄溟返西注濛汜鬱東馳天喬欣當御鱗翰驕奮飛
茗毛誠微賤鼎俎內慚疑

謝法曹惠連叙別

微寄迫如絲將適千里道此心憐友于言餞春原草
顧聽雙鷁鳴何以洩予抱解纜羨歸潮面膺怨層島

遙遙西陵浦宛宛澄波流飄飄驚風發湯湯沸陵丘
揮鋒割舲楫吹素染旌旂八荒無岐色七聖迷所由
賓傳久告絕含悰將訴誰仰希退飛鷁俯感觸藩觚
冥息臚故歡端居奏新悲悲新纏難遣歡故杳莫追
園林饒竒趣往往媚居人哲兄昔領袖伊予並沈淪
篇裁不孤賞席至無隻陳華月在清珪武夫映見珍
子行浩未已子處將何如青葱東齋沼有無長新蒲
紫籜解脩篁文鴛美鳴雛從容命觴咏倘以及睽孤

謝光祿莊郊游

泳思遵江廣托矚在嚴垆百堞搖容灑千棹和鏗錚

來鴻欣知止叢菊誇後榮
盡簪擷雲岫散綺宿霞汀
清霜披林覽枯卉感籟鳴
究勝時扶策沈懷聊屏觥
容華非予擅物序攪我情
將治鹿門業歸耦長沮耕
毋染臨淵嘆遂為漁者矜

王徵君徵養疾

秋風有奇色能使昔邪黃
一葉噓商曲群鴻盡南翔
白雲棲空除華月湛佳沐
外門羅來雀內戶掩啼鶯
卧病與性會華炫非所臧
精液隨年銷金石依形長
湛然守寸瑤委順無何鄉

鮑叅軍照戎行

嚴烽舉中夜游騎犯秦涼
天子投袂起劔履在寢
皇左鋒當魚麗右鍛按龍
驤曾是東征返離離缺斧
牂束胸見使者距躍諱殘
傷轉戰馬支嶺蹠血旣脫
場虜馬勁如飈橫驅不可
當部曲星散盡獨身取胡
王枯骨遺鳶喙英骸貫人
腸生存百年事沒者萬年
芳

袁太尉淑從駕

衣冠神游肅弓劔聖情紆
蒸新嘉周典祠雍陋漢圖
萬象改冬凜九有悉春敷
屏翳躬先掃玄冥戒後誅
金椎隱馳道玉戚護乘輿
蛟龍擾擊革麟鳳翊流蘇

朝雲燁容衛夕宿燦周廬鳴鏞震海立傳蹕應嵩呼
父老望張飲上女欣大舖人文被巖壑天藻冠京都
陳詩悉二雅秘典嗣三謨臣歡奉元首賡歌幸未孤
休上人怨別
落日多媚景楚士中不怡風吹湘山色往往盡成疑
彼美無與晤曠佇生勞思三枯袖中蕙再茁園柳萋
博山寒虬燼屈成繡蛛絲徙倚翹芳跡沈吟黯膠頤
虛有焦桐尾黃金為誰微

謝吏部眺首直

禁蘂森木天文昌爾璇漢風色飛廉館波文屬玉觀
銀虬隱自鳴金鷄對如翫薛衣繡丹遊蟠書吐玄微
亭亭鍾山秀杳魚何歷亂務簡化日舒興言染柔翰
即事台可悅奚必休請澣敢用蓬戶觀夕從朱門旦

王著作融游邸

風鐸流清梵天花墜妙譯解脫身自餘清虛勝能擇
薄游名王却儼如化人宅多寶壘基階明璣噴沼澤
蘭繚芬自棲莢堤綠如積和意調言鳥輕烟媚垂薛
束峽饒竒聲低春出遠色即境良非幻冥心廢已寂
至哉物外游超然忘所獲

沈僕射約餞別

九伐當熙代十乘啟元戎以我師中吉占彼後夫凶
皇仁等乾運萬寓悉併懷揮眸無索虜抵掌有山東
盤龍五花劍號烏七札弓蠶旗布飛宿虎落繞長虹
嶠函既平踐峴關復新通帳飲渴涇渭軍聲摧華嵩
高筵班勇爵中垆建武宮翻嫌賜履狹不數太師功

范僕射雲貽友

蓐食向東疇薄暮始言還遙見車馬跡藹藹散平川
雞犬若有懲鳥鵲尚盤旋還顧問應門錯愕相告言
言有冠蓋客眉宇何軒軒入門更左顧徬徨回就轅
北風吹馬嘶落日送旌旒沈吟思久要疇為故所歡

自非徐方牧誰能顧閭閻貴賤常人態君子自金蘭
梗杞振休風高雲薄旻天書此布區區在下亮弗援

江記室淹卧疾

寒暑更代至為我煉朱顏槐庭綠陰逝稻壠黃雲還
鳥雀思改棲雞豚亦不閒據梧辭紛尚采薪負奇艱
推遷候其所睽離思乃殷遙心先枉渚選友向江關
橘袖組袞景靈霞分故山青燈代為耦卑巢竟成鰥
羈病稀靈劑循視在刀環

梁簡文綱閨懷

歡聞子夜變妾作懊悵懸城上烏畢通墻頭雀勞利

楊白風捲花桃生雨辭蒂升念磁石難分類剪刀易
密約懸庚癸秘辭屬丙丁何朝更爾爾一一問卿卿

何水部遜示寮

次寥澄丁夜黯靈流泓碧曉月媚獨征清霜凌行色
稍稍曙吐帆微微風飽席林輝驚棲亂波響跳鱗激
喟然川上逝念此山中客晨涼在衾裯書事餘巾幘
飲食不為人游夢從所適撫已能無愧連生遘隱跡
年事離余往簡書代相迫寄聲夢龍偶終蹈巢由則

吳記室均春怨

悠悠倉庚語喚此簾櫳曙萬象欣遇新賤妾不改故

買愁榆莢錢粘恨隨楊絮草信忘憂難花疑合歡誤

百種枕上心千條夢中路眼波寫欲竭眉峰解還聚
昨者玉關書更移金河戍玄冥彼方辭青陽茲已暮
但覩朱成碧未解鬢變素對影欲有陳冥然不相顧

庾開府信校書

森蔚誇東觀淵穆表西清左史讀丘素孔公比老彭
金壺浮泥汁青藜太乙燈六緯受李氏七畧倣更生
白馬公孫辯繡虎平原名身依昭回漢職列葱離星
陳矢徵肅慎吳書問洞庭騶牙收虜籍貳眉表山經
窮探歲加戎執戟聽沈冥

陰常侍鏗送別

秦淮將征棹西興導返艦誰言劍合地即是袂分途
比帶將同縞擬箴詎如蒲倚醉聊慷慨臨醒復鬱紆
遙帆雨中失清尊月下孤裁書悵南鴈托夢怨單鳥
寶鉸銀平脫珠鬕金僕姑還期一文軌方駕騁天衢

薛內史道衡酬憶

秋風吹大荒秋月滿河梁尺書問馬走一枕徧羊場
羊腸幾屈曲輪鞅聲相續句裏孟門青意中淇水綠
綠水如絲流青天去不收王猷興欲盡衛玠始生愁
愁人自宛宛日長歲苦短薜蘿虛早齊不睹松柏挽

楊司空素坐懷

幽居擅丘墟塊爾稱獨晤盤礴翰墨林沈冥詩書趣
梟影文晝寂飛英點林素溪藤飲猿接梁棘歸鳥輸
四起垂天雲疑亡出山路屏刺少所通非心不成故
慨此穆如侶抒言托遙慕

王叅軍勃夢游

役神苦煩懣羈形困局促言攬化人祛稅駕從所欲
瑤階淨於砥竇觀紛若簇清篁展雲幄言鳥流風曲
舒霞縹流草垂露布森木中有青蓮冠脩眸炯清淑
授我瓊函字長跪不敢讀秋飈勁明璫吹我墮几褥

琳琅况猶聽芊鬱疑在矚惆悵將起端多岐浩難續

楊盈川炯游峽

蜀江自西來日夜流不息東為荆門峽崩騰鎖南國
楚師既以燔秦疆漸移畫萬古壁石青千秋吐灰黑
我行仗三老揚舲浩無極入耳寡停聲寓目鮮留色
日落一線明悄然中原碧惆悵為雲女虛無不可即

盧典籤照隣詠史

昔有巖先生少妻仙尉兒泥塗兩魚泳風雨六龍飛
黃帝求故人白雲長見依遂令箕穎客後覩動華姿
帝腹何便便舉足忽踐之客星歛然去帝座光芒披

笑謂鄧氏子策杖一何卑蠟穴澄秋色烟霞蔚天輝
怨見千秋士寂寂西山薇

陳正字子昂感寓

園桃畏霜霰零落不自已吾聞諸古人衰榮亦常爾
所以遇春榮澹乎無可喜内外了不干熹微識其始
明月海上來中天澄如洗至寶嗟已失囂然諛殤子

沈詹事佺期訪道

玄天洩至秘大地輸真宅言訪赤城居試探黃庭策
黃庭何其妙幽關守玄魄赤城信矣高靈仙寄神跡
鸞軒夜分至鳳管空中適眉揆芙蓉青頰欺舜華白

歸霞散衣桁流水澄巾幘冷然馭風來倏爾凌雲息
勞後悲在今夷猶歎夙昔因牽絰原網遂鍛冲霄翮
愁雲幕遠近慾火煎日夕隱隱移少年沈沈散精液
敬謝廣成師為我示天則竦轡崑崙顛揚舠弱毛澤
滄來坐經變濛汜何虞迫火棗幸有餘乞師知不惜

宋學士之問祠海

稅駕依海壖肅祠乘嘉月朝日侵夜生春溟際天濶
驚濤吐千嶸窮島迫一髮百谷俱讓王九州悉傾穴
星河時翻動天地中出沒體薦秩禮殷裸將醪芬發
歸然祝融坐肅矣群靈謁環珮趨飄颻靈旗去恍忽
緬懷拙薄踪承明昔三入敢問乘海桴竊希迷津筏
弱水未易方崑崙焉可越矯首貫月槎極目含珠闕
倘呼龍伯人為我灼鰲骨

崔貞外題游俠

東風五陵畔恣意少年游魯酒銀鑿落宛轡金雕鏤
狂童舞拍張妖女彈箜篌酒酣萬事出橫披宮錦裘
尺八鐵匕首能令都市愁辟讎言從車騎結客取涼州
北斷匈奴臂西斬月支頭論功獨第一天子賜旌
旂圖貌在麒麟英風冠九州笑謂故所知功多罪不
憂當時殺人者今日海西侯

孟襄陽浩然留客

散髮池上酌好客偶爾會童子三四人盤飧無蕪味
葉露時自滴松風為誰至冉冉落日盡悠然發真醉
陶公既已往千載淪茲意

王右丞維山居

為惜輞川好携家事田作青山映如帶綠樹相歷巖
燕乳林花亂蠶肥桑陰薄微雨終南來儵魚萬然樂
餉盃下鳶群束書挂牛角樵斧入澗深丁丁送餘斲
歸逢耦耕叟問我來朝約坐愛微風吹尚隱殘日脚
得暇便相過床頭有桑落

岑嘉州參塞讌

邊草五月綠秦馬三春肥鳴鞭飾珂子色奪宮羅衣
朝謁府主出夕從射獵歸珊瑚照夜筵行酒羅金紉
趙女青絲彈胡姬白玉圍酒酣燭忽滅語客任所為
橫行纏頭錦零落珍珠璠明月出東方清波溢鸞旂
鷗青約素腕雙雙扶入幃北風旦暮吹黃塵俱倒飛
如何咫尺地步步春光輝為謝蓋大夫時清刁斗稀

高常侍適詠途

少小愛漁獵不解慕清朝春風蕩子無諸草綠胡馬驕
一劔揮兩從隻羽貫雙鷗折節讀詩書策名列官僚

九州山人集卷之六
雖與貧賤辭未遠案牘勞今朝涉淇上中原莽蕭蕭
天晴太行出峽急黃河挫游鯉跳伏獺飛鳧墮鳴梟
恍若舊時游欲呼故所招奪標胡姬館走馬河陽橋
丈夫自有命時來則金貂安能對玄經終歲長寂寥

李翰林白自明

海色搖地綠崑崙插天青天地不相忌千秋弄精靈
偶然復生余搏作世人形俗眼不能識強呼為歲星
昨歌咸陽市如意擊玉甌醉罵文成侯白眼春冥冥
新豐酒初熟胡姬手如玉十千換一斗醉即鑪頭宿
中夜黎眉鬪銀璫響相逐上帝奏鈞天名姓登紫錄

蛾眉七十二停箏待新曲攬筆虹霞生鳴鳧風雨促
天姬粲瑤齒重瞳亦迴矚衣我宮錦袍葡萄發醞醪
片言朝不投夕買范生舟三神未欲返五湖且須游
魚龍聽咸池遂為釣者求愀然發長嘯千金等雲浮
虞帝放丹均波應及許由不然箕山客今作潯陽囚
黃鵠說樊籠低身瞰九州街珠報恩德然後訪丹丘

杜真外甫述貶

昔我游山東高李相先後豪鷹搏青冥所擊無不取
斷句必老蒼驪珠戀吾手西入咸陽城落魄鮮所偶
駝錦青貂裘半為酒家有時來異援出三賦天子售

此筆中書堂公卿盡回首蟣虱脫洗沐毛羽出抖擻
清華文昌步磊落國士耦攬搶亘北極熒惑趨南斗
哥舒小豎子棄我潼關守萬乘儵蒙塵群公但奔走
嗚呼上帝仁蒼茫意愈厚馬嵬剪陰孽朔方建陽紉
桓桓漢陰公王璽主親受制曰相國瑄汝往馘群醜
戎車寔閑飭驕將違指授遂令陳濤士義血漂杵白
天威震莫測左右奪申救甫也一小臣上書成求舊
孤忠報社稷餘分推朋友幸免左伯誅仍寬馬遷咎
優游上州佐零落一野叟雲屨履下趾風欺衣前肘
饑寒自切骨虛名在人口窮途往念至遲暮新恩負
千載與百年茫茫付杯酒

王龍標昌齡獨游

屏出乖物情薄游寓余日春風夫如何時見千里綠
蠶女猶未來來陰正渥縵上有戴勝鳴間關奏絲竹
彼奏非有適此會如見屬因之念友生歷亂我心曲
沉思入迷徑迴策從疲足歸及午餉餘言跨返耕犢

儲參軍光義詠耕

農事有常期侵星向東畜豈不念筋力要為口所驅
大兒把耜棹中兒佐犁鋤小者力不任餉搯繞周塗
盡室事農耕誰還讀我書榮華誠快意變態亦不疎

九州山人稿卷之十
二十四世
團坐傾濁醪移蔭就桑榆好雨從東來度足代勤劬
莫以蠶角牛當他駟馬車

韋左司應物寄伯

慮澹無可屏端居生夜清秋風在長松謾謾令松鳴
因之動遙思思我方外朋趺坐深草色流塵塵函經
多露濕空山欲往未能勝迴心入初地萬象了不應
方知見聞表悠然有合并如何怨碧雲役役傷道情

全州山人四部稿卷之九

全州山人四部稿卷之十

吳郡王世貞元美著

詩部

五言古體六十七首

雜感六章

時以上章國門
外感事而作也

新秋涼氣微大火猶蒸溼不知當庭樹何繇中銷落
葺葺梁間壘玄鳥翩然作今逝如有乖昔來如有托
人情亦已長積衰方成薄

其二

冉冉西流日杳杳東逝川棄女守空閨不知時變遷

先刑通

全

上

先

歌

膏沐一朝施含羞不自前雖復回清盼盛年坐君拍
二八方偶進駢齒復齊顏為媚須及早為恩須及好
再收當中熟再捐當何道

其三

赤蘆困服箱足下有八埏蒼鶻困絳鏃翻下有九天
東風吹孟諸短草何芊芊駕鷲飛我側狡兔出我前
燿如雲間電挽弓不及弦勁翮應脩蹄為君湯群鮮
人生非遇合安能自稱賢

其四

手携綠綺琴去上高山阿落日四無人蕭瑟揚洪波
疑神入天倪心指遂相和歸來奏清曲商飈絳纈羅
白雲從東來為我不忍過奏者豈不塵聽者已隗俄
無情尚有知有知當奈何

其五

貧賤誠難處富貴寧易居疇為執兩端令我與願俱
藜藿猶未糝列鼎窮珍腴饑者靡不佳飽者不羨餘
窈窕南山雲歸乎恣所如

其六

千金買駿馬百金買轡頭百千製狐白十千珊瑚鈎
相從諸少年宛洛晝行游宛洛富名倡挾瑟進清謳

魚虞

尤

世經堂

九州山人稿 卷之十
但知媚黃金馬知我為疇出當從客權歸當從婦謀

書感

嬋娟無終極燕趙徧蛾眉百卉就春陽芬豔迫參差
嫩人臨流坐顧影中自怡豈以為人妍皓齒發相譏
鹵莽乃時情千秋長若斯

其二

白露濕螢聲枯葉悲自和蘭膏凍不發三星漸沉河
里中多輕薄昏醉相經過兩意既非當雖歡其柰何
亮無同衾願閉戶歛雙蛾

雜感

朝陽發東隅群動借其光流影忽西頽萬象亦含章
誰云涼熱變遷代固所常爾日平沙堤今來禾黍場
鳥雀戀故枝車馬依他牆要知親者短不及疎者長
貌矣任生操吐虢其傷誓紉幽蘭珮雅詛疇能量

其二

髻齡操觚翰冠弱庸清朝鴛質謝鞭策閉戶甘閒寥
揮汗畏請謁四顧誰親交此時大道邊車馬爭流濤
舉目灼天華回眄生秋蒿亮匪萬年身胡忍棄塵囂
呼兒理殘編手復量濁醪得意且如此後來惟所遭

其三

豪香蕭

陽

歌

支微通

○
△
真虞

為性本薄劣，聊樂在詩書。稍與古人近，頓覺世人疎。
飽飯藉高卧，忽起臨前除。隱隱帶西山，歷歷薄吾廬。
百里距非邇，爽氣時吞噓。出門復入門，舉足愁塵汚。
以茲欣散秩，牢落楊雄居。

初入理園土

日予事鉛塹，握志在皇義。泣車豈不深，化理一何卑。
咎繇固賢聖，母乃遜后夔。人情如趨濕，盛時能豫衰。
更以秩守寄，身為獄吏師。悠悠互朝暮，戚戚此園狴。

其二

園狴何崔嵬，貫曜麗幽方。當晝日返冥，踰春草不芳。
糾糾禦呵怒，離離纍訊傷。下當邇重泉，上永隔天閭。
誰悉逝矣故，更悲來者長。

其三

庭前有高樹，好鳥相因依。固以效和鳴，嗚聲一何悲。
疑歌復疑訴，流調更流悽。此鳥寧有異，聽懷多是非。

我有一壺酒，與于鱗賦

我有一壺酒，與君醉花下。東風日夜至，群芳無停吐。
高歌蕩浮雲，白日光起舞。陶然中心悅，忽往在千古。
匪以藉世羸，他人安能取。

比曹初考述職有感

比曹初考述職有感

△
○
○
△
微支

△
○
○
△
上虞上馬

100

支

支

歲月不我即，祿食三已暮。揣分冒競惕，程已慚素尸。
出負友朋屬，入慚父兄規。殿最他所任，得失中自知。
伊予少淺涉，夙好經生期。稍見事廼謬，漸習心永睽。
咎繇固聖者，其究亦趨時。南容復白圭，已甚非仲尼。
滔滔亘天路，戚戚將向誰。

偶書

閉戶延素畧，創足避華徑。所唯力不任，非繇意無競。
沉淪既已甘，芬芳亦焉盛。寄責聊薄書，娛懷乃篇詠。
策短世何長，瞿然恐難竟。得酒且復斟，吾當醉陶徑。

遙望北印山

遙望北印山，塚墓鬱相標。石獸蹲草間，妖狐誤來求。
斧斤焉施伐，原富各趨疇。積泯漸成無，焉能覩其由。
生時藉世贏，跡往神不留。豈若蓬蒿士，一語為千秋。

省中視事有感

披案適不樂，起步臨前庭。顧視雲中照，翳翳迫西楹。
過日若傾波，誰為念不停。霜卉愛青陽，眞絲憂素莖。
刀筆理何深，能令走世名。蜀客雖寂寞，猶得守玄經。

睨皖篇

睨皖求友也。沈子築室有鳴倉庚，遂以顏焉。
王生過而賦之，愈益盈耳矣。

青庚

尤

大敬太徑

初景華緒寒浮陽依芳樾黃鳥何間關言且媚鸞月
柔絲驕未調黃塞凍難奔聽寧幾其真條風吹成歌
遷喬烏所覲求友翩更紛我若益樽酒借子候鳴節
婉戀中心契忽往在天末羽翮臨見乖覲焉增煩結

三良詩

白日歸苞櫟荒飈助游環闕道俱聲咽歎息此三賢
臨穴蛇蛇下彷徨顧平原奄仲郎長昏鍼虎亦何怨
逝者許一身存者留一言清濁東南外誰不忿王官
戎樂既銷亡回首見雍川如魚與負薪各自愛其全
惜哉百夫特粉黛同所天

蔡文姬歸漢

漢相肇休業威攬徧九圍維昔先臣邕蒙志赴屯夷
太陽下迴光寒灰亦不遺黃金馳大鹵穹廬出蛾眉
朝辭單于庭夕宿廣川湄衆鳥媚其巢接翼競言歸
羈鴟將雛去傍徨復置之仰悼雙星色俯割所恩私
秦關忽在望禾黍正離離莊堽改故跡人民能不非
不敢稱董仇戎首竟為誰韶蔭擲胡天中原渺馬依
冉冉崦嵫景條素沐餘晞荃蕙化蓬萊何能薦庭階
寶鑑既已毀拂拭愧光輝寄語閨中質千金當自持

古意

支微佳

入質陌錫歌

採桑秦家女皎若千金璧君王臨高臺美人奏琴瑟
忽來關雎操遠望中心懌遺以雙明珠繡袋文鷄鷓
家令君王臣賤妾亦何匿槁壤比雲霄低昂疇能敵
但恐失身素玉體何當匹長跪前致辭低眉中含抑
本自不為雙悽然如初隻

謁陵有述

天開鴻濛秀萬古抱日月下有諸僊宮神龍蛻其骨
靈氣函山澤草木亦精發仰觀太清表隱隱浮員闕
九幽導金燈六丁護玉篋隧途流松風霓旌晝明滅
恐是七帝游群真來趨謁小臣雖未賤謬從大夫
列尸祿帝所嗔微誠何由達

其二

文皇起北平迅掃天下兵六飛燕然山却剗單于庭
千艘凌渤海象緯偃不驚遂令職方氏王會所未名
竒琛及恠獸重譯歸我明卜鼎故龍潛其陰鬱佳城
愀然胡烽色慷慨有餘情

其三

太陵一杯土仰視何嶙峋帝德浩如天豈以黃屋
尊垂衣十八載象彙俱含醇非無陰陽接四候均若
春坐論頌賢拂作行歸俊民寧知神龍逝化海邈無

庚青

真元

入月昌

九州山人稿卷之十
津握手三輔臣扼腕竟何伸

晨入曹中即所見有感

東風吹微綠一夜千樹滿黃鳥坐交枝流聲自曉曉
側生墻陰栢憔悴一何短豈以真宰私幽獨受時緩

春早三章

皇天無頗澤物運乃自乖柔木戀焦原不肯展青莢
赤日從東起亢風復西來雖有膚寸陰臨合條已離
安得起驕龍為我鞭疾雷惻彼丘中叟負耒擬何之

其二

玄冬饒奇冽霜霰散無停飄墮戶歌春德冀以惠來苗
大魁乘條蠟未塗竟流焦陰陽無羸勝貴在得所調
燮理豈在隅咎豐內慚招亮深為犧念敢以一身要

其三

子子數餘黎遼遼殊未央銀鏤窮天府技擊殲朱方
比井稀宿籍在公乏棲糧使者東西來爾書言正相望
輪蹄金糾錯鞭笞血縱橫側窺驕陽意毋乃帝未詳
矯首眇穹蒼沈深竟難量

感懷

今晨東風至吹我顏色佳攬袂不及裳粉澤理光儀
新羨承天露朝榮際日暉雅步中宮商顧盼有餘姿

上卓

支佳庚

蕭

陽庚

支庚

九州山人稿卷之十
臨當中門發欲出故徘徊燕趙三千人一一有蛾眉
所願在當懷馬顧妍與蚩沈吟臨芳鏡掩約內傷悲

其二

清晨出游目顧見南山道挾彈美少年容顏白如縞
拉擺枯松樹上有乾鵲噪燿燿朱丸流宛轉墮荒草
企聽猶未畢吉凶不自保七尺長為人馬能制余老

其三

人生垂衰老倣如就途客藥餌相扶持攀車解輓輒
不行將難免暫留終何益著書以自寬聊為存者識
明晦既岐軌焉用留遺跡賢聖知有餘死生無中策

歲暮作

廓落鮮所娛沈憂歲偕暮連岫無間綠廣庭有儲素
日氣慘不舒玄陰莽回互晨風旦夕號岑棘竄狐兔
引領俟春陽春陽不我顧爽鳩代已往羲和迫相度
盈樽庶可逃整轍將首路

早起書懷

晨雞四鳴號天地猶未白仰觀衆星低歷歷如可摘
揣來浩無端數往已為跡言念乘輅始徂歲三代易
謬以理解資而當醜髀後何悟蠶絲辰膺此保障責
素計非所工商刑焉能擇稍清萑符澤未愧萊蕪室

上語

入百取

太愚

入百質取

蘇州山人集卷之十
九世齋
蒿目中竟幸蓬心逝安息次且類羝藩猶豫托雞肋
疇當隣畏途為我一察識

憤篇

牽絲誦經籍弱冠探仕錄觸緒多見違夙言將安屬
策馬涉鯨波操舟令從陸擾擾紅塵間焉為問車轍
渭水既入涇誰當辨非濁騏驥雖工步難與飛鷹逐
神龍固夭矯變化求所欲喬松抖唐蒙首尾竟成束
將循李陵髮未衛鮑莊足銜憤戒伊人富貴生局促

題帝王禮僧圖

昔有龐眉師九載面石壁置心諸地外人天香俱寂

經猿六時拜談鳥掌中食日出天地開藹然旌旗色
襯施填恒河結束儼帝釋雖屈萬乘尊對者了不識
一吐無聖言頃掃有為跡歸路甘雨移青林杏花白

轅馬歎

轅馬嚙枯荻櫪馬嚙青草轅馬謂櫪馬我欲之長道
勞者常苦饑佚者常苦飽幽州碧眼客鳴鞭如鷓鴣
銀髮鑿落蹄生憐為人好

題素節堂

汶嶺垂堅霰淇澳挺脩筠詎若君子風奕世鮮淄磷
伊昔中興初尚書司國鈞在公慕羔羊操憲抑奔鴉

八汰屋覺

八陪取錫

上皓

自文

及乎懸車日不復朱其輪微言揭楣端抗志薄商昊
脩然湘江色寧染京洛塵太僕稱象賢在垞歌未伸
三徑循風資百石非所欣安節承上道素履率初真
拂拭登君堂頽仰愧其人孫叔請瘠丘千秋能食貧
嗟嗟黍離歎棟尚維新

寄題清嬾窩

秉介探夷尚謝置肩嵇癖雖復虺汗濁安為事雕飾
洋洋必流水結廬依其側飛花聊為逕野草紛如積
荆戶啟南薰胡牀挂東壁興至時命琴客來或不憤
白雲何英英卧君庭中栢不隨飄風逝為君助幽色

除夕

江城歲云暮北風何慘慄稍見亭午過黯然中原日
飛鳥時下來人家掃祠畢稚子欣就新華顛念趨失
四十行已盡明朝復加一躑躅山澤間無聞亦奚恤

孫文學丌冊展

會稽表神閼宛委徵帝藏詎若登君室步武見前芳
邊笥有餘委惠車不盈箱青熒藜牀色綺旒蘭燎香
低雲潤遺簡隙月窺流絃詠響出踈檻迴風自琅琅
恒聞詩人旨伎求乃不臧蔬飲枕曲肱其樂自羲皇
舉趾觸四周抗心凌八荒

入陌錫取

入質

陽

十一世經堂

東

為顧生題其父太保公臨趙承旨雙松圖

歲晏鬱秀色雙虬挂晴空下有李元禮謾松間風
誰將一幀素寫此千尺雄承旨昔勝流太保時宗工
豈必論形似心賞冷然同喬木存故家甘棠比遺踪
新篇並差莪流瀋各青葱置子高堂上白雲或從中
為凌郡丞題柴桑雅致圖

佳
庚

陶令彭澤歸秋風何快哉與世既無營返服寧不諧
灑然一杯酒時送寒山來至今柴桑地遠高嚴陵臺
矯矯凌大夫清標冠時才半刺日翱翔車馬生紅埃
展圖三歎息欲往道疑乖應跡苟浮雲丘壑在軒塔
請以無累衷契彼千載懷

八
陌
錫
取

將以伏闕北首晨發即事有作

維稍候鳴潮伺輪遵廣陌晨雞再三號使我天地白
太陽麗層霄萬象欣自獲痛彼泉下臺永閔無生色
微抑不見宣苟存終何益席藁一上書引領希營識
蒼麟代司閭精衛聲不隔倘返揚公墓得從原阡側
焚山無餘對哲墓有遺則遠愧密親來杯酒相慰藉
鴻鴈冥冥飛焉知非謀食負耒安餘年托心在茲跡

二月朔渡淮即事

江南芳欲齊淮北綠初抽曾是一水隔候至物不週

九

公霞願

迴風蕩枉渚，落日多驚流。榜人告宵征，刺刺生百愁。
去棹若攀崖，來帆如赴湫。大小各有營，貴在中所求。
庶卉趣春陽，枯荻亦懷柔。茲請苟未諧，何以返故疇。
歿為九原愧，存為高堂憂。亦知鬢畏素，邁此不能休。

歸懷示舍弟

北闕書雖上，南山業堪佃。吾弟沮溺流，耦耕亦何怨。
軒冕誠可悅，焉能舍余賤。謬忝七子列，居然五君選。
去去勿復陳，深衷晚當見。

旅夢作惡書此自解

溝壑偶不死，來為世人弄。太湖七千頃，烟霞竟誰共。
殘月將曙來，清鐘應霜動。殤子久已覺，彭聃猶然夢。
去去勿復陳，吾生有吾重。

謁孟廟敘述

嗚呼五畝宮，茲實英氣聚。長楸徑天風，森然蚪龍舞。
豈無梟鷂托，噤噤不能吐。翔鸞翼丹桐，蟠螭綉文柱。
中有貴者像，嶧碧流眉宇。禮猶素王亞，秩非客卿伍。
揚墨既廓如，儀秦亦微沮。伊昔傳食時，天開齊梁主。
其用不一究，歸乃成萬古。諸儉何為者，瑱珠列周廡。
三復仁義篇，悠然配神禹。

題九松卷贈張生

上廣

公送宋

洛下九老人採藥徂徠山化為九松樹蕭然厭塵寰
蒼髯掀天風赤足踏澗溪顧謂五大夫惜哉多厚顏
夫子從之游不復歎才艱盤桓峭嶠下箕踞差戾間
黃鶴呼欲歸白雲時與閑况有千秋苓青爾雙鬢斑
勿謂辟穀侯孤風遂難攀

迫檄首路擬再陳情感懷有作

山公援侍中實以世交故周子怨都亭知為一官誤
余本解宦人巖藪焉能固况茲回光矚差用洗沈慄
栖遲猶二始躑躅當三輔孟門哥已出康莊知前驚
款段終在櫪誰為譏蹇步鉛刀冀一割鋒鋦恐非故

巨痛時殫心深憂恒棲嘯露歛一申言皇覽不反顧
隕涕別親慈含辛首前路嗣章倘見俞改服還韋布

移文兩臺乞休有述貽示舍弟

疲馬始戀閑饑馬始戀芻全魏夾澶漳茲實饒逸區
上宰匪私人迫若中所圖衆知蛾眉好混沌獨驚呼
富貴等逝飈况不與願俱狗知時中奮欲徃復次且
再疏若沈波單辭倘見俞歐冶辨金材純鉤冀為粗
鴻鴈東南栖遺音香以踈因風及斯章茲秉亮不渝
連得故里書親友逝者五六輩皆齒相亞為之

憮然有感

公翰 洋解

日予啟北轅密懿遵江垵念昔火下流茲今冰未泮
如何違眇間相攜就塗炭冥攝不待符當暮寧容旦
百歲若須更况乃未過半雖匪鄴下才能忘子桓歎
浮榮誘人老流景疾於竄慨靡黃金術可以凌霄漢
竊聆無生言庶幾叶幽翫

靜坐

茲方信間適吏事隨所遣白日偶屬余胡為但令晏
漁獵千古間所得亦已鮮空簷滴殘雪寒鑪裊餘篆
默坐無所思悠然端倪顯欲窺靜者功微青冑枯蘚
謁陽明先生天真書院

上鏡 鮮少

貞

杖策尋幽嚟叩祠薦清蘋木落群姿盡爛然見天真
輕風飄鬚眉蕭蕭若有神三字扶靈機萬古意忽新
六經遂糟粕千聖失經綸媚川在懷中舍檝問鮫人
笑彼愚公山老昧襄城津重恐魚目多冥然驕自珍
所以老氏歎聖作大道湮下學而上達吾意書諸紳

芙蓉園為用晦賦

桃李媚春陽容澤不終持松栢雖後凋誰為發華姿
神颺自西來百卉俱變衰感此亭亭質皎然溪之湄
綠葉凌勁霜朱華然素漪君子含章歟脩尚不傳時
衡廬藩茲植聊用以自怡

支

題馬遠十二水

上帝兩帶垂長江黃河流崑崙觸天漏下貯海一杯
 震澤與洞庭匯作東南漚風雲出千變日月浴雙輪
 泓渟寫秋星蕭瑟競素湫木落清淺出石壁琮琤抽
 其細沫貫珠巨者膏九州誰能傳此神母乃宋馬侯
 解衣盤礴初已動馮夷愁天一臆間吐派九筆底收
 生綃十二幅幅幅窮瑯鏤憶昔進御時陡豁神龍眸
 遂令大同殿濤聲撼牀頭六宮攝其魄所以不欲留
 楊妹即大家女史司校讎朱填六玉筋墨宛四銀鈎
 錦縹賜兩府青細潤千秋晴愔乍開閱如練沾衣襟
 恍作銀漢翻浸我白玉樓當其鬱怒筆稍表騰蛟虬
 及乎汨舒徐遙頸延鷺鷗動則開智樂淵然與心謀
 老思鑑湖曲興盡刻溪舟左壁素氏經右圖供卧游
 那能學神禹胼胝終荒丘

過脩武有歎

淮陰下廣武張耳佐其師全趙俱脅息孺燕自風披
 忽逢隆準使赤節艷朝輝斥易兩雄帥脫若提嬰兒
 剪楚朝奏勳文乃失臨菑所以雲夢游遂成曲逆奇
 刺武豈不臧帶礪乃吾欺純心奉明主加罪寧之
 辭九族為君盡千載令人疑

灰支

尤

八屋

題遠菴堂

我園初雜蒼君堂仍遠菴豈無女須戒惡草非所欲
榮芝當自秀藝蘭當自馥出為王者瑞處為幽人服
鋤茅慮傷禾伐莽表嘉木茲意幸偶同相將保空谷

經彭澤有懷陶公

陶公辭彭澤亦復聊其生磬折豈足勞而以事躬耕
安能如旅葵百穀產中庭鼎鼎百年內貴在願與并
濁醪佐新詩聊以娛性靈偶然獲為人偶獲千載名
名者自隨之獲者安所營竊窺逸民言令人愧浮榮

題振衣千仞岡為許給事壽

我愛許武仲春風隘堯天脫屣岳牧尊挂瓢清潁邊
君豈苗裔耶謔浪青瑣賢所遇稍不合葛巾遂翛然
角里復綺村奕燁紫芝鮮峰峰足振衣何必箕山顛
名當傲千秋身當傲百年

題丘戶部汝謙吾蕪亭

敖吏漆園氏大隱東方生心冥故黜跡機悟乃超名
彼美司農子夙有天倪盟不丁握筭間跌宕文史聲
抱案揖長官了若不相嬰挂笏對西山悠然有餘清
識真垢不辱貴我物自輕何必規往哲吾以師吾情

鍾太傅薦季直表真蹟後

庚青

先

庚

魚虞

千古談鍾書宣示乃其最靈知黃初載茲表有真際
初英麗朝陽雜羽栖霞內剛柔自成克踈密各異趣
始展悅若新熟翫轉相媚遂令臨池者徃徃無宣示
得新多忘故我則異於是周鼎均所寶康報乃識棄
過定遠問漆園不得

茲地有漆園是否莊生廬遺蹟香莫存遺言亦成誣
北風捲地來鵬翼寒不舒豈必真逍遙能無愛槍榆
不才懼鳧烹存者乃為標令我何所據瞿然思遂初

思歸二篇

朝辭孟門險暮即金閭馳天路雖云曠枳棘猶未夷
人情好居薄為厚安得諧朗朗日中天浮雲伏崦嵫
問齒雖少餘其舌尚未隳自非偏師濟焉能日銜枚
進當明所繇退則保無為

其二

漢網既彌天萬羽爭見張朔風起不周安能遠飛翔
鳳皇雖五色在羅馬得祥仰天一雄鳴籬然中宮商
豪鷲擊鮮翰菊距血縱橫與子既殊德疇見不相妨
雖復化為鳩耽耽未可量竦翼東南飛天池浩茫茫

題沈啟南畫虞山致道觀昭明手植三檜初名
七星檜

支佳庚

陽庚

上虞語馬

白雲團震山有七蒼虬舞云當梁初代昭明讀書所
雖干乾坤底實飽冰霜苦其四托孤鴟帝遣六丁取
存類矍圃三去殺秦封五宋人雅好事往往為之補
頡頏若昆季厥始實孫祖隆準理固當小巫氣終阻
昨余游真宮脫冠憇其下日落長風來颯然精靈語
及乎微月上脩鱗森欲吐沈翁長康流為檜傳世譜
不欲令漢傑輕與噲等伍尺楮移秋山真宰在阿堵
蓬牕一展看森陰洗煩暑何必稱七星三星亦自古
今歲忽已知命仲冬五日為懸弧之旦不勝感
愴聊叙今昔得六百字

公宣露未

薄游狎流光五袞俄已至今為懸弧旦使我廢朝食
竊拊有盡身自收終天淚罷牙息眾置閉閣負餘惴
離疏非冠日通籍乃韶歲為郎典方遯業已三上計
比舍饒俊民興辭驚遙詣雖匪大國香豈為當門植
衆嫖方奏媼如何獨求退棲遲三輔讞屏營東秦守
萑苻既如浣蕭斧永絕試烈炎彌原來玉石同迸碎
齟齬緹縈書艱危子堅祀扣閣不覩天灑血空墳地
豈無經濟念處死殊以未流哀悴松柏餘辱蒙蘿薜
屯夷理垂極鼎革時初際皇矚迴覆盆谷灰起幽
吹徊徨深隱側躑躅窺慈意南舟徧楚越北轅輟晉

魏蓬心絕抵觸撥質慙颯技疇謂偏奇稟謬中通人
嗜三臺敢希歷九列無乃贅牽馬似有曹攻駒豈吾
藝是時秋欲暮天子問鄖帥爾以中執法其徃司
節制尋叨璽書寵仍拜宮壺賜肅肅萃冠簪悠悠度
旌旆如何渭橋色已作天涯視嚴霜逐飛蓋脩路疲
征駟漢水擘快來崇峰蹈空置褒斜縮車轂并陘艱
列騎偶同王導叱無取子陽喟片檄寢赤丸尺箠走
墨吏拮拾虞軍興縱舍伸主惠竊窺寬大朝因驛上
封事愚得或有一斯狂豈可二既采葑菲誠復貸尸
姐罪雖爾竭涓涖何由報恩施芳已周蕙蘭辛猶殘

薑桂椰揄路鬼譏蟬緩女須言策足趨慕長鳴頽
其轡甘為退飛鷗不作驤首驥松栢偶然喬寧因青
陽媚誓墓今已乖入宮憑見忌謬陪七子列恐為顏
延棄雖謝三君後未甘李膺易數徃已自疑揣來人
同愧伊昔虞舜慕五十猶不替惟彼曼容秩六百旋
請致而我獨何為心跡兩成悖鬢訝蒲柳零身安匏
瓜繫雕蟲業久賤小草名還細服政政欲疲知命命
何冀縱識去者非焉覩來者是昔人多無聞今余焉
足畏秋葉旦暮零親知同飄墜江水日夜流富貴亦
偕逝駐顏問刁圭多難損根器飯誠悟正覺庶矣超

人世

贈王詹事元馭

紫宮何崔嵬，裊裊千青雲。銅龍啓楓閣，白虎薦衿紳。
委蛇談經術，天顏再為新。日晏始言旋，竹素良自欣。
乃知清旃上，不廢箕穎真。儀羽豈獨嘉，漸當寄絲綸。
大化一以溥，魯叟不易醇。無為守至正，天下自歸仁。

答劉太常子真

離離道傍芷，隨風即芬敷。習習谷中蘭，引分任榮枯。
衆姱競承顏，靜女長獨居。臨當趣君召，且復立次且。
顧念幽憂侶，携手命同車。膏澤謝當年，蛾眉日夜踈。
髮短不受笄，衣短不受裾。亮無入宮妬，焉能令君愉。
貴者但不忘，賤者亦自舒。

寄石大理拱辰

昔我游漳河，邁子結歡好。穆生携其醴，邃古恣搜討。
及乎承明日，子壯予亦老。朔風吹飛蓬，倏忽辭中道。
為合長苦晚，為別長苦早。蒲柳不待冬，引分就枯槁。
寄言和氏璧，斯世方共寶。為照常有時，有光且自葆。

真文

魚虞

上皓



舟州山人四部稿卷之十一

吳郡王世貞元美著

詩部

五言古體六十五首

晚起獨步沿荷池

初日乘餘霽，洒然醺輕涼。近市喧未起，群動各相忘。
問我何為者，出門釣滄浪。環以清淺流，枕以綠蘿庄。
新荷欲舒翠，輕颺散微芳。游魚點點見，一鳥高低翔。
泝沿路不極，含軫與俱長。

西園雅集為鄴中諸王作

舟州山人四部稿卷之十一

五言古體六十五首

入屋入沃通用

九州山人稿卷之十一
世網堂刻
改服乘春豫徵徒何續郁苑薄孟門寒椒崇鄴河曲
霞空散叢綺風漪寫文縠茄翻馴鹿至棠漾輕鷗逐
桂魄徂屢謝蘭膏禪相續東西迷席改昏旦邁歡促
擗管俱鶩先飛觴競謀速王其梁陳軌賓亦鄒枚屬
名非履元顯道以撫謙篤設醴知不衰官今益湯沐

棘寺春集

大理卿朱公試

肅肅廷尉署藹藹滋春陽薰風自東來吹萬悅群芳
幽花媚和色繡栢辭玄霜化永公府寂政簡初日長
振策從英乂幸邁此高堂雍容盛冠珮朗郁森琳琅
情至分欲舒道邇契自彰暫言謝紛囂高揖稱虞唐

阳

上卷

淑情熱水入屋
綠欲促入沃

白雲流飛解迴景就移林簷際鳥上下
雖聲效和鳴
佳辰豈不欣無乃流太康職思寅恭義載申伐木章

西山道中候于鱗不至

拜駕登崇椒迴眸注遙鞅山谷日蒼蒼寒蟬振悲響
脩途浩無端征車適來徃顧此塵中士胡然帶余想
聊失在須臾浩如隔雲壤意子或見遲踟躕兩相嚮

仲夏昌平道中

初陽鳴倉庚仲夏氣清淑東風蕩平蕪如剪湖水綠
微流縈客騎遠餉附村犢嬾女四五人來刈麥禾熟
農事豈不疲懽言得所欲鳥雀呼相啄餘喧在喬木

下州山人稿卷之十一

世網堂刻

行役多自愉胡為悲局促

秋日過于鱗郡齋分賦十體得發字

入門登君堂筐篚相羅列大婦治酒漿小婦為炊食
兒年十五餘冠裳來肅客感君纏綿意含吐待君擇
袖中雙驪珠光輝同秋月恒恐風雷掩重襪不得發
念當為歡始胡言悲卑別河漢經高天牛女成岐濶
非無深宵契曦暉難為悅列宿繁如雨焉知中所結

秋日垂暮郊眺有感

跡往忽若冥念來浩無倪遨遊將扞抱更使中不夷
東輪背西鞅荒楚屬中逵羊眠平蕪合爵術浮雲馳

支微音通

回首崦嵫湛恍觀皇乾卑赴暝無停色嗟枯有餘悲
饑兔走顧且倦鳥詳惡枝豈不懷休飭虞在羅伏機
柰何服明哲俛首就街羈大火彌原來焉能以瑾辭
龍戰遺園綺鴻冥辨孫愁神龜安曳塗雄雞憚為犧
馮生超自洒人理其度幾

秋日與諸大夫登後湖閣宴眺有述

崇麗多攀跼置遠足徜徉豈若登茲閣二美適有當
高棟切天居華燕冠文昌涼颺躡嘉蔭落日暴崇岡
千甍波鱗踊雙闌風翼張馳道東西直輪鞅正縱橫
俯瞰澄湖波皎若明鏡光鳧鷺下游鬣菰稗出收潢

陽庚通

入眉八月百
鳥下取
右五句通用

雖無方舟具興至欲褰裳望舒隨陽沒銀燈嬉未央
上客囊主權行籌浩無方徒御私相謫母乃淪太康

贈况生藥湖別業

茲湖信靈境靈境貴所招維昔真人居藥就凌璇霄
旗峰感女澤環江道寶潮湛符填簸蕩遺砂壽肖翹
至今清冷府萬象不得驕况若太陽升神丹現中宵
金波迎深射玉衡澄汰寥枉汭欵柔颺陽莫配陰條
天雞忻孳育朱鯉恣陵跳披巖肉芝長犯雪黃精苗
秀鬱鍾故竒象勝理自超生結精廬窈窕臨湖臯
杯中瀉雲物鏡端行漁樵亮無晨風翰偕子以逍遙

蕭豪

勺水甘谷如服食等松喬

游西山諸寺有感

西山二石寺蟬緩琉璃刹其人中貴人往往稱檀越
銀漢割岩堦珠宮闕岷嶽吐磴窮百盤束流規千折
蹙階白玉塵飛坐黃金屑斗削神力迴向背鬼工絕
世尊趺青蓮粧嚴明秋月龍象左右陳羅叉後先列
我聞說法時乞食僅一鉢誓以不住身普代衆生孽
長者雖布金小果那得說柰何貪嗔念希與聖諦結
填沙南瞻髓飾像恒河血淨土炯自如廣輪虛真轍
嗚呼西竺寃萬古誰能雪

通
合月眉易

八
庚

歲暮自檀州發赴青州有述
奉期戒輜車含辛拜嚴闈密戚追告途新知來要轍
是時冬向暮微陽生陰列斷莽吐伏流隱林道餘雪
磨趣縱橫文鳥革淒厲舌蒼蒼界飛素曖曖動幽悅
縈田中陂湄遙裔前坳節之齊蹤稍暢戀魏蕙猶結
載諷陟岡言終慙責立哲

夜起步中庭有感

罷酒出中逵皓魄起前楹始見街半規稍稍漸成盈
積雪焉藏照天地吐餘清况若玉龍飛喬松鬱崢嶸
羈雌無停影號雄有求聲狐貉雖被躬曠士中不勝

安駕雙鸞鳥翼並起翔天京

春日於西園望雲門山有述

巨靈臂碣石置之營立東千秋竅混沌間道開玲瓏
漸適秋魄圓稍邁晨星融流雲時停憇返景並垂空
伊余懷禽好之官偶齊封羈服含餘責推案厭微躬
曾是咫尺遙故以簡書慵行藥步周畦披襟延緒風
倏如團鑑色况落清尊中蝕霧俄半規吹颺豁全通
靡靡呈蒼翠藹藹盈房櫺數足無登軌寓目有來踪
峻陟淹徒御卧游藉人工何如日箕踞于此翫無窮

初夏西園偶成

東
冬

庚

蕭有豪

鈴閣何沈沈。初陽啟頽景。訊謀縱橫至。群咻邇相要。雖靡片言才。徃徃不崇朝。躡履向閭除。移牀就繁條。景風徐將拂。池荷乍與交。綠竹吐新勁。黃鳥展餘驕。詩書安其所。尊酒自為招。送目未畢歡。來暝復携勞。仕隱俄更盪。動靜竟難調。持鏡問朱顏。那能忘不彫。

雨後小酌西園

叢岫停陰潤。遙空結層冥。好雨東南來。媚我園中英。下瀉方池水。清文自然生。荷蓋亭亭出。圍鬣亦縱橫。中有雙游鶩。延頸發歡鳴。幽壁青莓苔。枯荔蒙其榮。大小各自私。焉知皇澤平。舉爵吟微謔。聊以寫余情。

庚青

其二

微雨中稍憚。按畦披榛莽。群秀欣相托。悠然動真賞。帙掩且罷開。尊來不虛往。半酣凌層鳥。冀以弘遐想。屯陰彌在目。大埏無隙朗。回看墻東蔓。胡乃先蕙長。習習籠中翼。終成怨初網。

初晴園亭即事偶書所懷

天地意無常。吾人寧久安。今茲幸休假。聊與為盤桓。緒雨就歸颺。微陽弄濕翰。箕穎匪在遠。步武生雲端。顧見清池影。茫然愧衣冠。區區丹陽談。欲以敵東山。不見先民語。富貴多憂患。憂患從機發。那得借餘歡。

寒刪
思又平聲

上卷

喬木惡崩坼根株離見難

雨飲李氏伯仲草堂遣謝

負郭偃衡茅停車遣幽訊
隱侯竹間出難第墻東引
耦耕及新麥對澆饒夙醒
改白王弘初冀青阮公瞬
密雨戰炎歊初涼乘時進
散沫染空階餘膏惠脩隣
慈明既外朗叔慈復內潤
玄言萬飛屑令色雙猨瑾
愧以干旄旋更為薜蘿信
早晚牀頭醕願言無所吝
庭有積雪指麾兒輩戲為
雪山偶作

怡步向中庭積雪何皚皚
戰日愈自堅依飈漸成堆
雖靡化人術倏忽三峰開
削成像仙掌橫度為天台
更疑雙靈鷲一夜自飛來
東風洛陽酒一杯
不知吾與爾玉山誰先頽

風日清美行園有懷吳峻伯率爾折簡

亭午氣清和西園行挾策
階藉歲蕤紅牕延縱橫碧
時禽驕孤邁芳草妬新砌
慨然懷良友胡為但役役
刁筆余嘯歌詩書子微纏
博穀聲條素永畧不重得
願言携琴至呼尊命所適

泰安印事呈同事諸君

忽聞謁臺去顛倒攬裳衣
不知襟襖子規腰何所師
含吐將及唇瑟縮未成辭
流汗紛如漿袖手不顧揮

去震

灰

入百賦

支微灰

支微

委蛇將出門歸我舊鬚眉輕風發微涼白日已崦嵫
張宴陳鐘鼓為樂不逮時北山有岱宗南山有徂徠
溟海中相隔步武竟焉之

其二

及臺雙文篋上有五色芝纖月承卿雲暉暉霞文披
籍以流黃綺貢之白玉墀違性虛見珍雖貴非所希
不如南山栢千載長如斯

于役淄川途遇大雨有述

冥冥乾維改殷殷坤軸摧女風嘯陰穴族雲布陽臺
海色二有合嘉霖四望來玄鸛列吮鳴游魚矯鬣迴

佳庚

初夏晨起

迂轡就衡門野父進我杯請以甫田詩寬彼東山懷

太漾

初陽組林蔦輕颺衣屏障草綬生綠滋筠陰捲清浪
間發陰鶴和時流黃鳥唱曠矣物不接嗒然吾將喪
雖靡向禽達頗懷張邴放一命羈所之千秋鬱微尚
卻案更沈吟沈吟滋惆悵

過濰縣故孔北海祠作

威鳳雖在羅耻與凡梟近神龍剗其角目固無鮫蜃
火垂赤帝滅風猶素王振角總吐英談冠弱流又問

平原援中絕北海誠空奮艱難傍餘燭廓落甘異擯
交禰豈慕狂拒却焉為吝巢傾郊俱覆梁浙室亦震
反諧鄢陵祝不覩山陽恨余本骨體人千秋稟遺蓋
高咏長寢篇分香隨漸盡

薄暮東牟道中有作

策騎緣海壖興發遂忘疲將晞九陽髮思振三神袂
如何悲泉側陽鳥欲罷飛川后約其波以待朱輪歸
櫂色有遺景梓里無停暉空青就磨滅光景向熹微
二氣既不分吾人安敢違改轡趨林薄命燭叩衡扉
有酒但為歡無酒且息幾天雞在東方三鳴不須斯

庶哉咸池浴萬象同赫羲

初至登州就臺小憇

陸走費輪蹄暑征困衣領凌旬嶠夷造乃使煩慮屏
稅徵公牘簡訟拙人吏靜海氣蠲夙苛山風薦微冷
庭葵悄然落小雨帶遠景篇留浩蕩域酒引魚何境
卧起俱所適低回發沈省彼煩焉終卻此逸寧遂永
竊祿在牽絲援階類汲綆顧觀久京洛心揜談箕穎
千石幸未踰吾其從小即

按部東海因懷魯連跳跡慨然有述

溟色饒奇變雲島相蕩潏中有真人居將無魯連宅

入陌錫取通用

上梗上回

支微

先生猶龍哉天矯物莫測多輟辯與生轉丸機從匿
抗辭折新垣秦衆外辟易飛書射聊城燕將內拍嗑
引危勵安平一鼓堅城圯提衡萬師力弁髦千金錫
散髮東海隅肆志隨所適他日圮上編毋乃而黃石
我欲竟其終青天杳無跡

余游蓬萊閣觀彈子溜石因記蘇長公一章歌
之與叅政姜公共拾取數十枚為翫遂戲效其
體作數語書付道士并呈姜公公前身為白玉
蟾高第解服食法其有以教我

昔聞蓬萊頂神僊好圍碁爭道不相娛散擲東海溜

支微

海若鼓鋒濤為汝作玉師歷落涵天星皎鏡支漢機
數驚驪龍顧或起陵陽悲我無苜蒲根杯水浴置之
豈必真壺嶠方圓亦參差宇宙在一掬芥子為須彌
姜侯蟾翁裔服食夙所宜他日訪三神煮以療吾饑

彌陀寺飯僧作

結夏依寂居隨緣憇脩軫宅慚周顛捨米待郝超損
僧襯鳴鐘集佛供導幡引霜研給孤麥玉琢摩候菌
慈禽戀清唳怖鴿馴餘賑敢持有漏因仰覲無生忍
曾是夙力餘內觀了何朕追往踪既失希來業難盡
毋以罪福求幻身同茲泯

上軫

彌陀寺遣暑作

巖泉饒竒趣。松柏寄遠跡。如何孤蘭若。局踖四蓬壁。
慈雲不垂蔭。朱離苦相射。赫矣尼連火。邈哉阿耨澤。
四大久厭離。諸緣歸滅寂。是以煩惱身。更稱清涼宅。
夜梵流妙音。朝觀離空色。竊從龐居士。巾髮恣所適。

早起

初月將曙輝。亭亭澹空碧。微星漸以隱。存者猶歷歷。
玄蟬乍停號。宿羽時鼓翼。時至鐘未鳴。僧懶更成寂。
乃至欲觀心。悠然不可得。

聽夜唄作

齋飯依八關。昏鐘警諸妄。陳王演真唄。深公吐玄唱。
清波徐滌泗。法雨漸調暢。振如迅霆激。細若游絲颺。
哀籟流凡聒。圓機轉天吭。我聞青蓮坐。妙法宣無上。
魔王戢怨刃。龍女傾愛藏。如何旃檀刻。不覩梵音相。
稽首悲宿因。誓心驅來障。

晨起新城道中

野宿無淹寐。蓐食馬待飽。主人戒鷄鳴。驅我就中道。
行徒非古歡。惴惴來就保。隙月隱若窺。風林宰相惱。
嚴霜白於雪。照我頰色稿。不恨頰色稿。但恨不自老。
初春同俞仲蔚及舍弟敬美登馬鞍山得四首

入陌錫取通用

入錫取陪

太漾

上皓

刪

豪

介

上
篠

阳

真

以山高月小為韻

落日猶命履愛此城內山初携惠連往尋以長瑜還
清馨香藹外行人蒼翠間扶醒過隣圃獨樹梅花間

其二

危坐攬群秀天風吹布袍吳江疋練白泖塔孤莖高
斗酒寒不醉劍歌短芒屨誰憐今仲蔚此下有蓬蒿

其三

馮策凌絕崖呼觴陶嘉月疎林叩幽牝冷然中心悅
暝色坐來改飛鳥時自沒望望逼城置徘徊不能發

其四

久矣甘塵栖茲焉忽世表披襟當澹蕩縱屐探窈窕
落日樵採競歸路牛羊小何以見幽悰入門後栖鳥

游惠山酌泉次唐人韻

窮溪迴崇巘午色正蒼蒼上有千尺松下有古時堂
幽籟相間作止鳥顧我翔乳竇溢清漪杲日媚其光
眉宇澄秋色蕊頰散天香念彼尋源人慨焉不能忘

其二

落日饒遠態群象來趨人酌此澗下泉爽焉各懷新
暗壑穿文流白石何磷磷豈不念遠達行當委時塵
洗耳卧空山抗志薄青晏頰仰千古士思與巢許隣

其三

精若栖林端，芳泉伏蘿樾。躡步信所之，漸與人徑絕。
顧見潭影空，悅焉超生滅。叩斧斲澗雲，負鐺煮山月。
朗詠三君篇，清商四垂發。千秋庶可要，與子偕首轄。

避暑大兄山莊作

煩暑意不憚，聊適在山池。陽崖饒軒豁，陰谷吐寒颼。
脩竹藩廣除，落英文素漪。魚鳥各有得，余亦遂忘疲。
觴奕送歸陽，返穎射東坻。藹藹衆榆影，覆寫任參差。
寄言邑居子，籠翮安所之。

初秋屏居有感

偃息衡門下，旦夕寡來躡。澄露將微風，披灑中所欲。
外竒稍已蠲，疇能解中燠。玄蟬高樹間，哀吟遞相屬。
不念金氣厲，令我白日促。循徃心既乖，慨來身如束。
顧視庭之幽，蘭芬一何馥。幸免當門鉏，居然安空谷。

冬日集舍姪一敬所作

今辰風日佳，言集仲容廬。是時歲功畢，場圃方告舒。
新醪嘈嘈鳴，黃鷄啄相趨。羅者懽得鳧，網者懽得魚。
野人慕口腹，一飮不願餘。顧見斜陽影，藹藹媚衆榆。
群從更樂端，迭起求自踰。但酌令我酣，悠然漸黃虞。
奚必青衿子，矩步誦詩書。世有中聖人，舍我其誰與。

入月屑通用
檄林檄

支

入屋沃通用

佳仄

章道華見訪田居作

抱影寒廬下春風怡然來問言何為爾有客訪蒿萊
田家無夙供雞黍差足陪斗酒相勞苦慷慨興往懷
撫衷雖難偶循跡幸未乖携手望白雲海色正崔嵬
因君明漆膠友道誰終諧

間居偶然作

晏坐無與適叩門亦不至殘葉時自掃歸雲如相遲
頽陽坐來永依依昔邪際久矣城市間始與懶一會
佳境况有得稍焉竟茫昧寄言塵趨子安知此中味

小除夕歸途遇風雨作

今朝風雨色淒其成歲暮誰云望不迫出門即非故
我馬既玄黃僕夫將焉訴撫壯能幾何悠然懷往路
茫茫百憂集安為鬢不素稍明來者日空悲昔者誤

其二

流雨泥我足北風創我肌令我朱顏改使我含辛悲
舉目見羊腸日暮安所歸黃蘆雜苦竹哀聲鳴相和
上有獨棲鳥下有長逝波歸家猶云爾離家將柰何

和仲蔚元日詩

衡門啟初旦冉冉歲行益節序人自懽焉為同余寂
塊然守一室惆悵將至夕天地雖更始人生無終極

公實未泰霽
通用

公遇

支微歌通用

入陌錫賦

上落銑

入陌取

念欲防樂端憂懷紛如積來者日以新誰能返疇昔
俞生愉在野披覩中有獲托素毫翰林千秋垂金石
逢掖足禦寒豈必盡狐白興言寔起予借子懼山澤

暑懶

一暑生百慵一慵百事簡
憊息衡門下悠悠夢初轉
亭午鳥倦啼槐陰自舒卷
時有涼風來冷然忽稱善
勿謂羲皇人此意知者鮮

其二

凌晨何所道匡坐但調息
客至了不開眠者當分席
圍碁白雲豎采蓮明月澤
此賞非不領煩暑將焉適
秋至暑會舒吾懶終何如

暮坐離資園即景一首

高齋語來暝偶爾成幽憇
崢嶸石色古窈窕川流細
新月在踈篁娟娟自相媚
顧此群籟寂悅焉覩真際
欲叩俄已忘呼杯但成醉

季生夜獵不獲一鮮賦此嘲之

翩翩季公子被服何輕躋
騎從若浮雲行獵至我郊
是時冬始仲日暮黃雲高
罝網布原坻左右建重茅
暝立負玄霜令嚴寂不置
老狐鏡先知狡兔遠伏逃
雖欲縱群駢爭先安所操
俄從灌莽間稍辨東方晶

豪蕭首歌

舟州山人稿卷之十一
人馬無光輝。饑犬顧我號。東隣少年兒。竿杪置黏膠。
戢身一指顧。百羽遂充庖。日入胡姬館。炙鮮奏醇醪。
公子誠豪鷲。茲役不得驕。

將游漆塘山汎五里湖作

得春字

放舟信所適。愛此湖中春。春風剪澄眸。流光如盼人。
輕謳起閒羽。柔橈潛脩鱗。白雲何方來。英英間青蘋。
四壁千芙蓉。迴波散嶙峋。寓目了無涉。適已中自親。
顧彼微陰移。慨焉眷芳晨。

舍舟步漆塘山竹松間作

得笑字

亭午維芳溪。改策探要眇。去美令神適。來奇信天造。

上落皓

灑灑伏泉流。濕我山中僑。遊羽時自名。幽花炯相照。
清颺浮筠葉。白雲彌松蕪。峭嶺菁蔥色。時復樓眉表。
回顧誇其傳。聽然起微笑。

登漆塘山絕頂望太湖作

得還字

逶迤導絕頂。曠朗澄心顏。襟帶縈吳楚。表裏見湖山。
長風散菴靄。遙嶺若連環。出沒一氣中。變幻俄萬端。
高天蔚浮藍。黃金錯其間。靜聞漁唱起。暝見孤鴻還。
長嘯招鷗夷。絢邈不可攀。

奉釋典諸部經於小祇園藏經閣中有述

方廣宣妙覺。總持諦真乘。白馬叶休期。金人肇奇禎。

庚青莖

傷我末教日聖澤漸以凌冥跡蹈恒河狂飈吹慧燈
我友脩淨業慷慨惠函經奚必具羯磨居然摩騰
小果固有漏法施良足憑雖靡布金田幸依化人城
蒼松雲瀾滄脩竹風琮瑋層閣臨廣除迴流激清冷
闍婆陳天樂龍藏鬱飛騰中有慈悲相悅發妙音聲
玉笈啟湘縹流紈染翰青彷彿貝葉端自然蓮花生
如日懸中天萬象借光明稽首兩足尊發此希有誠
破除諸疑網摧伏群魔兵前因獲心通後果希勝增
願以一切智迴施一切情熾嶠西逝梁金篋道前行
凡聖同超解怨親歸合并執離文字間猶為道所憎

曹溪倘吾許空蹄詎堪徵

十三夜步月過隣家飲作

抱病適不樂強起無何時念此月色佳那能戀牀帷
徐步叩東鄰觴席猶未移有酒但斟酌焉問主人誰
竒陰間木石幽光藹庭墀浴魄冰壺中藻荇互參差
泠然清聲發安辨竹與絲大化冶寓形憂樂不須斯
顧言隗俄際所得其庶幾

十四夜復步月過從弟飲作

秋氣日以佳秋月垂當圓晚獲徒步趣相與復盤桓
剥啄惠連門攬衣不及冠呼婦出斗酒手自裁肴餐

支微

寒

庚青

素旻溢清波。炯然濯肺肝。慨茲人間世。所受殊已難。
安能需令節。謀客始為歡。白露下沾衣。北斗自闌干。
遠樹出嚴鐘。隱隱將就殘。撫枕追徃境。悵焉浩無端。

十五夜於小祇園坐月作

纖阿應嘉候。祇園依化城。感此牟尼珠。揚光濯清冷。
梵天白銀橋。恍若燄摩升。清溪相環帶。空水互晶熒。
飛觴無遺憇。流霞湛然盈。順風奏絲桐。孌孌發奇聲。
青松為我和。白雲為我停。酒德將調淡。頽然玉山傾。
披襟納虛爽。萬境皆光明。安能守空觀。枯寂送餘生。

十六夜月徐荊州見枉作

八月

懽懽申遙夕。疲爾辭請謁。故人從東來。令我思超忽。
聊携一尊酒。相與陶嘉月。熹微破泱泱。冉冉出叢樾。
是時初踰望。清可鑒毛髮。雖復表虧端。幽暉殊未歇。
玄鶴寥戾鳴。肅然懲栖鶻。敢以斗柄斜。辭君玉壺竭。
携手仍與旋。清言至明發。

秋日離資園即事作

茲地不數武。亦復具池臺。亭午欣鳥雀。初涼愁草萊。
恍然石色古。乃是微雲迴。竹潤遙相借。蘭芬時一來。
客至但坐耳。相對亦悠哉。禮豈在中饋。懶不廢尊罍。

秋日小祇園即事作

庚

庚

左宥

後又太聲
鷺鳥子設同

支微

舟州山人稿卷之十一
幽竹藩行逕客來無送迎石梁橫秋色高閣延遠清
愛此脩日景彌耽靜者情時探諸品畢不省何經名
微微甘雨至稍稍涼風生遲暮且莫返與君聽松聲

嘉禾道中

方春愛行役因與陶嘉候燕尾碧相襲鴨頭青始皺
輕風憐舟師為我來往奏收帆揚柳色沽酒夕陽堆
有友四五人傾觴如懸溜絲鱸出網鮮乳鴈伏巢鷺
扶興端互起謀歡策爭售問余傾玉山應須墮月後
頰仰人間世所得良不偶

海上訪王子不值追會嘉禾道中斐然投作聊

此志酬

芳波初成綠柔楊亦已莢乘此嘉淑候慨焉效安期
川塗雖綿邈未獲展光儀前維悄然後舸日夜追
朗曜隔浮陰景風為我披攜手登魏堞贈我以新詩
彪毫等霞綺溢齒若川馳辨勝畧欲流神王鬢不移
斐然見狂簡余歸將庶幾

舟州山人四部稿卷之十二

吳郡王世貞元美著

詩部

五言古體

吳興訪徐子與廬次作

蕭豪
 溪迴翠相襲，峰轉青若招。西日殘危堞，東風進輕橈。
 玄居在市廛，心清息諸囂。圖書塵苔壁，素桃何蕭蕭。
 念子雖矍然，猶能明久要。生死非異岐，浮沉信所遭。
 篝燈照華絲，斗酒為我勞。固懷阮嵇尚，悲至詎能消。
 引領俟明發，援筆攄長謠。

陽庚

支微

海鹽石隄與周生輩觀日出作

日者萬物母海為百谷王兩雄未蕩摩衆有皆摧藏
天鷄警霄發波臣導余望窮絃露黝紫極際見青蒼
回首顧中原破曉猶茫茫倏忽金輪升流光浴扶桑
一髮界瀟瀟萬鬣競縱橫湛湛天酒晞燁燁雲旗張
波將駭駿上森與躡龍翔無復虞濛汜陽德熾方昌

伯父靜菴公山池一首

昔我游茲園申慕愔忘歸園景非一態事事令人怡
白雲團幽荔朱丹冠陰岷疏沼延夕星裁筮導春澌
潛鱗乘吹起宿羽應候啼謀竒開新術戒返惑故蹊
澗飲分霓渴館宿遜霞樓束帛違立貴懸金殿時夷
去家不甘載陵谷忽中移前逵改宿蕙後堂滋旅葵
灌木代絲絃宮徃商不之回盱追前貌撫景虞後衰
所以羊鉅平游峴發清微復聞桓司馬攀條泫然悲
寓形靡不消垂言將度幾

避痾山池月夜群從中有携酒至者即事作

茲辰召末痾適與余懶會客來或不冠客亦恕余意
圓月從東起神颺能徐至尊酒與盤飧阿平誠知事
語咲豈必佳徃徃得真際時復鄰笛敲乘風破遙裔
去者勿復辭陶公陶然醉

公露泰實

將游陽羨過華明伯餞我惠山因憇俞氏園

首

日余淹邁軸托志在延搜遵途告密戚餞我以行游
選勝豈必遐貴在獲所求青松夾長坂篔簹竹被文流
探蠡酌清冷沈恠灑然瘳層霞緩川暝歸日使徑幽
流憇仲蔚居時興濬冲愁昔攬並大藩今守各一丘
寄言天路者寥廓多沈浮

發自義興由東九抵湖汊一首

揚舲出荆溪溪流浩無盡疇謂當蕭辰青山吐餘潤
驚鱗發潛響振羽橫遙瞬時見空翠來焉知余榜進

喬木生午烟場禾表秋信茶叟攜筐歸行歌渺然近

顧余若有適壺漿當為引明發從此辭中宵衣時振

由張公後洞出前洞一首

冥搜出天巧遐尚窮真域猿飲迫相輔鳥伸駭所獲

金膏時自閃瓊乳靜還滴窺天一線杳察墜千鱗圻

雲烹丹竈温芝耕石田瘠信足如已窮俯身忽中闢

浴日萬象開琉璃成五色芙蓉冠瑤柱玫瑰填羅席

締構疑化城陰森恐蛟宅張公何為者自言得靈液

手載垂空名其人鬱為腊攝衣雲霞顛矯首三歎息

出張公洞經游玉女潭一首

八陌錫取

太實

尤

虞

身州山人稿卷之十一
三 世經堂
疲足辭幽界，敞目凌玄都。篁翠上交天，楓丹時綴塗。
高霞冠璇表，流颺蕩銀鋪。躡步瞰澄潭，恍若邁神姝。
青崖覆蘿髮，紺水湛明矚。神往境自超，象勝理亦愉。
匪耽交甫好，冀與禽尚徂。

探龍湫因觀古瓊樹一首

素秋送餘晷，深山饒伏奇。賈勇若無先，獨造中所私。
納雲穿竒構，畫石置清漪。天規隱叫窾，壑舟入逶迤。
拊足唱高音，泠泠逗幽崖。脩榦吐潜虬，舞蛟出驚枝。
昔賢歌瓊樹，今我復來茲。俯仰千秋意，泫然令心悲。

歸自東九汎西九訪善權寺一首

歸榜意不釋，愛此澄湖暉。白雲何英英，蕩滴令波肥。
所邁饒新境，沿洄遂忘疲。改策向精蘭，散履躡青坻。
脩蒼摩天風，潜翠沾人衣。裁霞竦飛構，攀漢納危扉。
左洞殊泓淙，下有鳴聲悲。茲賞未云飮，來竒信弗違。

游善權洞作

巨靈兩跡拓，混沌七日開。陰崖忽中敞，萬巧紛然來。
廓如白玉堂，瑰柱芙蓉楣。天酒滴歷垂，石燕縱橫飛。
泫泫含霧華，爍爍銜沙璣。靚深時中賞，曠朗使衆怡。
仙掌瞬若招，便嬾勝柔荑。謂我為王烈，授我赤石脂。
靈境難久即，怳悵以徘徊。

支微

支微

支

入葉

善權水洞一首

出幽託竒祕，荐至諧智樂。朱華嵌巖椒，白雲圍衡壑。
群溜何泠泠，爭往若有托。奚必中宮商，禮法即天樂。
飛空浥蒼翠，懸沫成丹雘。靈禽啁晰言，神鱗時騰躍。
空色鳴沿泝，微寒生回薄。逝欲借琴高，周身鮮靈藥。

碧雲寺泉

蒼龍戢其首，日夜漱寒玉。助爾松風聲，借之竹色綠。
時從齋厨下，泠然注空谷。自愛穿雲多，焉知出山濁。
一酌聆斯言，徘徊愴心曲。

夜泊虞山下

明當向城府，維舟此山足。奚必遂登臨，聊以驅吾俗。
初月未擬規，浮雲更成璞。酒罷獨何為，移書就殘燭。

金焦錢戚都督作

大江聳金焦，茲實界宇甸。聖靈深推轂，懿好將離燕。
春酒挹手流，崇肴指雙巘。柘鼓殷晴雷，綺帆衡鷺電。
迴睇銅柱標，蒼然天一線。極目龍沙南，紫氣出葱菴。
慷慨豫州楫，颯爽褒公箭。分軀應北掃，餘烈留南填。
賓僚富詞儁，文酒要酣戰。燕石尚可銘，疇當為君先。

初至抗左史郭公、右史莫公邀宴西湖，大風雨歸作。

入沃覺

入沃覺

入沃覺

八眉質

錢塘帝都會西湖地靈傑天目日夜輸神漢滙茲穴
山擁三面螺城彎半弓霓謬余長五湖斯徃信所關
左相咏紫微右樞和白雪銀榼淳宮醪湘滕載珍餼
籃輿日駘蕩皂蓋風飄瞥稍出清波門騶駁狎啼鳩
色界紛送奇目疲不得說舟子方進篙黃衫浪花擊
俄然兩高墨頓使萬象湮天咲睽不收塊噫鼓中裂
殺紋剪破碎鐵冠冒巖嶂羅刹怒欲翻鷺頭奮仍掣
此輩逞狂恠西子頰不悅驟雨面未逢惚時時揭
莫君如謝安塵尾手徐挈微謂郭長公雖奇泛宜輟
僊舟固所慕角巾毋乃折郭公咲王生此變為疇設

昨夜真宰過頗畏靈秘洩袖君斲輪手更卷雕龍舌
不見漢陂行雷雨亦愁絕玉立山未頽鯨吞海仍竭
携興逼暮歸萬燎吐明滅

薄暮赴臬中諸公期未歸出憇湖上旋得新月
湛然獨勝因成此篇

整策囂中要改憇湖上宮東霞尚冠渚西魄已收濛
瀾瀾烟幕地澹澹月弦空俄頃吐清照萬碧開朦朧
潛虬飲遙止栖鷗磔幽叢戢騶延遠音偃蓋恣歸艣
淨色坐相媚靈景佇莫從酬賞誠少關會心何必同

吳比部范太史邀游峴山二章

東冬

上紙

吳興峴山色不減襄陽紫氣餘清和候人是東南美
亦有艤頭鱸佐之若下醴炊烟隔嶺出漁唱菰蘆起
醉謂故所知何必羊叔子

其二

改席延緒颺披襟向晴昊日染餘不水烟平浮玉島
顧見青芙蓉了了透蘋藻李重追舊歡巨卿吐新好
勿云興易盡新月在前道

與黎職方呂光祿共賦峴山石尊

李相昔鯨飲顏公復鴻鸞遂令茲山名遠並太傅尊
閩季大火流清陰猶未斂選勝仍選良避蒸因避喧

元

上皓

稍驚蒙茸豁遂辭窳窳捫儼然見中窪宛爾發清源
北斗與南箕不挹名空存安得馮天瓢下注此石罇
左攬仙人箸右洗玉女盆夕旭代為薪青山借作殮
遙吹從東來密箐輕颺翻一酌澆磊砢再舉超籠樊
首驂華胥路息駕衆妙門始知汎三雅有待猶為煩

石屋洞

招隱豈必深幽絕在康莊天開一層軒群秀納青蒼
其陽類江瑤雲足鍾離房右凹若旋螺中栖太乙糧
游履迥失疲歸棕澹將忘零雨滂四垂飛潤沾衣裳
山僧供茗罷欲出仍彷徨

日

侵

魚

上銑阮

冬日憇舟嘉樹林小飲

仲冬好風日故山嘉樹林信履觸幽賞改席就清陰
青葱冒霜草啁晰先候禽人生貴所適毋為懸別心

病後初行園有述

幽憂屏時累况乃寢瘵餘行散得中林聊以境自舒
初陽破晨水流波跳伏魚松聲坐來語竹色惚中書
外喧稍不接內寂恒湛如安知浮榮在且當談遂初

小祇園小憇用陶韻

昔有蹈海言茲意惜未踐躑躅孟門道一官豈待免
憂來日苦短數徃情屢緬春至不自知稍聞鳥聲善
市窮中林出境適意乃遠挾冊水竹間悠然忘其返
顧景忽自哂吾何待吾淺

其二

群榮秀春氣天地遂不省敢以百慵故廢我杯酒勤
脩竹臨綠波清輝來媚人跡從逝暑舊情與未景新
游魚故潑潑時鳥亦欣欣南征稍知吝西徃尚迷津
偶從靜者說獲與蘭若鄰世累從此祛猶足稱逸民

送吳士游鄭陽用貧士韻

高樹帶微陽倦鳥相與依本為聊托息非用借光輝
南畝有棲糧矯翮且一飛晨當暫相辭夕當復來歸

真文

支微

先元

夔足未朝食原嘗代其饑千載士失職昂昂私所悲

其二

行游向鄖楚急憇鮮華軒路若經商山為我弔綺園
芝歌停遺響麝跡但蒼烟隱見無專是出處人自研
違為向平歎倦為宗炳言要子以異時庶幾于二賢

焦山訪郭道人次父不值用陶韻

愛彼江上山息此塵中鞅故人今何許令我發遐想
云胡焦居士亦復舍山往鳥雀漸以驕葦菼漸以長
人生貴適我所嚮何必廣慨焉發長謠茲意存草莽

贈王復入山讀書

侵

挾冊厭時囂躡屩辭故林巖栖延孫嘯壤室鳴卜琴
流霞潤清細飛溜助高吟蘭衰托隆古蘿尚謝茲今
頰仰千秋士庶協丘中心羊眠屯岷霧羃歷出岫霖
竊用返招隱冀子惠好音毋令三徑合言率二仲尋
程君將北游謁余詩為贈君精易數獨謂余尚
當出余不許也

入質陌取

客有手一編自云古周易紛然後人造不出先天畫
西笑入長安列肆坐秋色倘遇宋大夫相與談昕夕
為言向子平今已悟損益未便五嶽游且蠟幾兩屐
去去勿復陳遜交許貞吉

真元

過田家小飲有作

今晨風日佳，默默鮮所親。改服從田父，相與過西鄰。
雖無超時韻，所得亦以真。約略婚嫁資，歲功稍一論。
瓠壺盈濁醪，芋葉裹鮮新。謙言酌卮酒，倉卒無主人。
啖我棲埭鷄，為爾代司晨。東壁吐蠶絲，可以充釣緝。
笑謂指頤間，遂窮水陸珍。代主計則然，母乃非嘉賓。
隗俄復隗俄，日送西歸輪。

初汎湖乘風抵西洞庭

蕭晨風日佳，况乃汎澄漪。揚舲指空白，回首覺翠微。
南望卞山址，北竟晉陵涯。玉玦周三垂，朗鑑翳全規。

芙蓉挿波心，花萼競參差。谷飈捲長空，號落迎帆來。
遙岫無停瞬，近瀨有定姿。玄醴染鷺顏，觴至當不揮。
寄言探竒者，此勝不易追。

入林屋洞天不能竟有述

林屋第九天，中藏萬金庭。北穿丈人峰，西達蛾眉陁。
垂滋結乳玉，穿雷散空青。嶮岈藏石門，嶒岈吐神鉅。
是時秋始暮，積潦尚澄盈。雖負褰裳勇，蹀擊中不勝。
邇慚孺子託，遠愧靈威生。誓欲偕青童，飈輪探窈冥。
千載靈文出，聖治冀可徵。

月夜登曲巘由竹林下山家觀屏巘丙洞入陽

庚青蒸

支微庚

谷作

支策辭道林飛鏡挂大空迴光散玉岫潛穎射金宗
捫蘿入窈窕循垓踐玲瓏稍窺樵采徑獲與園林通
璀璨間脩篁琮琤乍因風慕竒惜竒盡貪勝冀勝逢
仄足丙洞穴聳身屏巘峰駭矚紛自來浩倡樂無終
土豹吠寥聞天鷄破鴻濛誰言茲宵既能使余興窮

下縹渺峰由西湖歷東湖抵資慶諸寺

傲睨窮四周輕風信余徠既謝上嶺危頗忻下山捷
澄湖夾雙瞳喬松振千鬣稍深疑無地忽轉長天接
古剎藏白雲踈林出紅葉估客喧歸步漁舟滿收夾
飯候尋寺鐘菌香吐僧盃斟酌敲聞酒顛倒居士裕
冥醉時一醒空青忽交睫

汎小洞庭觀竒石

茲山饒竒石混沌帝所鑿墜如渴猿飲森若鷲鷲搏
龍睛過猶閃猊坐望還却萬竅吸籟號一柱危崖閣
玲瓏蔽秋漲突兀生搖落赤鯉舫際驚白鳥波面掠
揮手攬青蒼為余佐杯勺

度竹塢嶺

上嶺若攀天下嶺若穿井落日猶半規深松已先暝
事將餘興敗足與歸念梗時覺虬龍爭肅然發深警

東久
涼水聲

八合葉冷

八葉

上稜

先

將至建業大風雨作

挂席凌大江斗覺風雲顛日脚金瑣碎山頭墨蜿蜒
高天忽下垂密與滄波連不辨川后界坐失陽烏權
咫尺晃微白浪花驕不圓攢矢闖壁剝神鉦擊喧闐
徙坐蔽束書低眉睨長年兩儀退歸所萬象仍悠然
山色媚舉卮波聲清扣舷變故在須臾所得能不遷
是以暫徃身托志在歸全

早入廬山首路作

徙符五嶺外歸沐三冬前及茲道彭蠡九疊青依然
授衣變寒暑擊汰改流連決策扣廬君尊食理枉阡
微月隱紛綸流雲漸芊眠樹杪生遙曙草際出哀泉
來竒若故賞新踪繇徃緣分無幽棲躅慨焉歎諸賢

入東林精舍

晨色懸抗旌流泉徇扶藜貪看香鑪曙忽已過虎溪
古樹繡上友荒草掩前階屈戌蔓蠨蛸軍持躍醢雞
尋勝冀獲新探徃浩無倪昔希遺民誓永懷塵外棲
今憇東林軌猶戀區中迷悔濯當自今賞愧庶無睽
由雲峰取道錦澗歷險至絕頂

改裝問繡澗徙屩披躡雲亭澗及愁陵緬雲雜爭崩
奔急湍令玉危緩溜使絃温稍息一會心屢踏復驚

文

齊佳

先

九州山人稿卷之十一
魂參差吐鋒距倏忽變朝曛前徑為霧絕後呼若空
聞矯欲屬大觀賈勇非離群會已人世遠何繇叩天
關

由武當之紫霄歷青羊橋憇五龍出仁威觀有

述

躋危意方倦入幽良自適巖巒非一態雲日饒奇色
活活伏流來泠泠深岨滴騰虬悟風樹渴猊知水石
拏攫令魂驚蜿蜒覺根坵倣詭青羊澗窈窕五龍室
彼美如有待余欣窻無獲改轍見平曠藹藹禾黍夕
歸慮中未攪目境時有失安得乘蹻道遙青厓可摘

由南巖尋北巖謁不二和尚

降陟雖疲跡眺覽用怡心心怡體自調支策探道林
是時春初暮遙綠結屯陰一幡颺空表雙樹吐綠尋
初窺但絕壁緩步得精籃開士久杜機眇昧不能禁
延我坐芙蓉啖我以林檎清梵和流泉增竑海潮音
忽覩西岫景圓規已半侵歸來愧禽魚日得忘高深

古意贈伯玉中丞二首

娟娟閨中秀托質為君取中夜理筭總日織三丈素
本用報君恩情者反成妬娥眉當秋風颯然垂將暮
二八更代進回光焉反顧芙蓉鑒鉛華使我欲不御

入質陌錫取

侵覃

本御遇

豈在惜朱顏，寔以宗祀故。止止且勿陳，懽愛尚中路。

其二

燁燁雙純鉤，磨者益其鋒。稷稷孤松樹，耻為霜霰容。
良驥疲太行，驪首思騰衝。萬翻摩廣原，疇能戮勁弓。
之子負宏竒，鬱為蓋代雄。閩山有餘蔭，粵海無驚風。
惜哉世路晚，刺促難為工。君子任其勞，小人代其庸。
天顧猶未寧，毋為悲道窮。

送舍弟敬美北上

嘉運開駿招，輪帛四交馳。之子起自厲，為報當及時。
杯酒指河梁，恨恨不能持。十載雖筮獨，與子不相離。

仰見晨風鳥，矯吭鳴何悲。脩翼摩勁颺，一舉絕天池。
豈不快所往，念此卑林棲。舒卷無違性，動靜各有宜。
努力愛景光，千載以自期。

其二

方舟遵枉渚，落日上征衣。離筵啟方序，吾弟感此離。
愚哲雖異規，疇不慕昌期。哲者任其勞，愚者食其貽。
上有晨昏奉，下有伏臘資。偃仰恒一編，耕釣不失時。
子其寧爾懷，余處良以怡。

其三

春星羅廣陌，熹微依徵傳。雄雞無停號，爾爾天地旦。

東

支

支

支

八月

浮陰忽來滋焉能長清漢脩條未易材微萌無難蔓
送客各自媚誰當發浩歎仕宦恒苦晚行樂恒苦短
所以卯生秩往往不待滿

其四

竊有和氏璧皎潔如秋月當其未辭璞憂在長埋沒
初日奏秦庭精光熒然發美人粲玉齒九賓為驚絕
在執苟不虔能無中玷缺子其愛連城完歸用將別

信口贈莫山人

再起猶畏途斯意久鬱鬱月俸已送官早晚將解紱
留君一杯酒乃是家田秫丈人未悉恭坐平無長物
念欲飽果然新詩不堪乞

與呂生談有感

仕路無拙速衆口令親踈吾本不憂佛誰能使之愉
一語朝不謀夕當賦歸歟雲霞傍人生天地待心舒
試與論往事且復探故書崢嶸後來薪掩抑前釣魚
物情固何極意足恒自如

孫崇明政成乞歸以詩慰送

孫郎負宦轂而乃發遐想厭作海外丞願為五湖長
父老孳袂言神君欲何往寶山一拳石聊用壓輕舫
歸拜尚書阡清風世無爽

與虞

上卷

別羅李袁三君

上書不待報解綬歸田廬斯豈悅隱淪遽欲言遂初
衰慈邁沈癯醫藥寡異謨百念不並牽倉皇即脩途
我友二三子祖宴此城隅繾綣握手間形滯神不俱
西望九折坂我腸更鬱紆北風排鴈行躑羽日夜踈
五里一返顧十里一哀呼非君迴雲照濁水永自塗
努力敦蘭好合并亮不誣

答明卿

今茲暑用壯衡華藩吾身白雪從南來令我思郢人
故者日以踈新者何自親所以一杯酒黯然而沈淪

其二

越女強入宮顧影中不怡群口浩無端安能自蛾眉
竊悲幽貞志至死不見知所以雙素腕浣紗空江湄
助甫遠駕見訪遂成四章情見乎辭

為歡日苦短為別日苦長與子期燕中不知幾星霜
寒枝噪乾鵲故人登我堂東風隨裾來四坐為芬芳
繾綣未及申命酒且盡觴流塵滿金徽拂拭薦瑤牀
彈者志文王聽者禰望羊擊節三起坐掩抑以彷徨
安得雙鸞鳥翼凌雲共翱翔

其二

...

庚青

集州山... 卷之十二
十世經堂刻
踰立謝兵符始托君子盟
燕婉甫再秋十五為別齡
人生能幾何霜鬢不再青
故友豔春華屈指若晨星
存者散各天逝者忽已冥
拭淚薦君庖安能令不盈
北斗向闌干携手步中庭
景光各自愛竹素以為徵

其三

前人工織錦後人但織綺
綺故不足言無錦綺亦好
念我平生驪來自千里道
契濶未及陳涕淚如橫潦
鼎養隨形盡恩誠委秋草
所以先達言榮名竟為寶
捐管不自斑安能為君藻
矯矯濟南生其骨惜已稿

其四

舉世謀選良中野棄千里
擾擾驪黃內安能別識此
駝駝牛羊間其志乃四海
純鈎當夜鳴所望在知己
五步不留行鬱為匣中水
紫氣橫斗牛房星耿河止
流光蕩人目拂拭從此始
驟馳當防蹶驟試當防毀
三復老氏言書紳贈吾子

贈徐子之楚臬二章凡二入矣

委蛇問南征結束戒明發
方舟指江漢竹馬遵沙汭
蔚蔚棠樹陰君翼幸未雪
無情猶思御有情寧無悅
二南將嗣徽四履日以濶
為君起深歎功成在三折

其二

上紙賄

入屑易月

東

支微太願

使君何翩翩五馬一馬聽後來豔春花前旌拂南鴻
士女日袪裝矯首蘭臺宮萬木森變青竊因被雄風
鎡基既逮時忝徐當遂豐庶希彈冠侶非復泣車窮
答戚希仲

秋蘭秬深谷春英冠芳圻當此摧掩日是爾芬敷時
明堂大布政哲匠顛英規片言程金石九有播令徽
焉觀耦耕子參徃商不隨皇天誘衷素飛帛江之湄
方執即周行媚我以好姿嫵婉甫及禱千秋遂為期
論心當論遠結交須結晚遠心勝近面晚交深繼繼

別汪仲淹一章

上尾

支微

陽鳥北迴翔西南厲其翅豈不戀比翼群生各有制
銜草未遑食顧巢鳥能憇念子乃從兄愴予偏別采
置祖薦大烹行留各有味子其珍爾璞母為賤工棄
南明卷為刺史封中丞孫翁題

有鳳含靈文五色正歲徒矯翼西南天流彩於滇池
政成感神雀榮名垂碧雞非無聖人德為祥不逮時
歌舞樂堯年梧竹表餘棲有子字鵷鷺阿閣朝見儀
出者慶耒童處者頌黃離請看羅施國處處生光輝

次俞仲蔚題趙吳興畫陶元亮歸去來辭

陶令罷彭澤正及黃花開有酒不辭濁長歌歸去來

庚

九州山人稿卷之十一
千載義熙波誰能溯其泗學士返胡天椎髮白毳毼
回首感宗周擲國一嬰孩籃輿蹇柴桑紫駟捷蓬萊
時睽跡更殊疇能不見猜惜哉丹青美托尚隔雲埃
蕭懋建戶部棄官後游杭以西湖諸長歌見寄

賦此為贈

當時蕭次公不受後曹詰牒被歸去來秋風卧石室
畫索買一船錢塘比湘汨壯氣黯不收虹霓纏其筆
兩峯闔差峩千秋寫蕭瑟詫謂官不貧珠玉縱橫出
地留西湖勝天與山人日縱有鱗文鯁勿療敬微疾
次陸太宰全卿題戴文進畫卷

入質

太遇太御
通用

朝出錦官城暮投浣花渡步步花媚人那能舍花去
但使有酒沽不妨花下住

右浣溪春行

謾謾松際風冷冷礪底泉宮商偶時合來攪幽人眠
恍然夢中鏡洞庭奏鈞天

右卧聽松泉

維梢傍村塢黯黯天地綠忽有漁歌來悠然逗深竹
不知月出否稍見玲瓏玉

右竹灣夜泊

西風不釀雨東雷空自疾蓮女葉蓋頭相將委花出

先

入沃玉綠入屋竹
通用

入質

蘇州山人稿卷之十一
世經堂刻

但采了不妨請看塔尖日

右雷峰夕照

十五團團月當已離海島
立殘雙蓮瓣夜色猶未好
非關月出晚應是儂來早

右凭闌待月

似傳西湖霽西子初賜沐
宛爾碧鬢鵝娟然青曼睩
欲住聽曉鶯天王忌人宿

右西湖雨霽

英英籬邊菊不與青陽遇
芳意終有合寧為歎遲暮
百卉各競時歲終今何處

右東籬秋晚

蘇州山人四部稿卷之十一

上皓

入屋

太遇
通用
必太御

歸州山人稿卷之十一

荆西經堂

山人四

亦東

